

白雲齋選訂樂府吳騷合編

白雪齋選訂樂府吳騷合編目次

第二卷

中呂

泣顏回

解語一枝花

題恨

張伯起

薄倖忒情離

閨怨

陳秋碧

風露怯青衫

秋懷

沈伯英

東野翠煙消

春遊

高東嘉

石榴花

碧桃花外

春恨

沈伯英

漁家傲

再到天台訪玉真

感舊

王伯良

瓦盆兒

西陵渡口

閨情

楊德芳

相思到底

題情

高深甫

落紅滿地

憶舊

卜大荒

虛堂坐雨

秋夜傷舊

梁少白

好事近

風月兩無功

秋日閨情

毛蓮石

書寄秣陵徐

代呂姬寄情

梁少白

人去莫登樓

寄趙袁卿

梁少白

堯底上心來

閨情

沈青門

貂錦換官粧

擬元帝餞明妃

卜大荒

榴花泣

長江東注

別陳文妹

梁少白

瑤天夜晃

喜諧文媚

顧太初

伯勞飛燕

紀恨

王伯良

經年驛使 得書

王伯良

南呂

紅袖襖

彈香肩鬆臂金 題情

金白璵

記初逢秋月盈 寄楊幼真

張叔周

太師引

花飛陌上 紀遇

高深甫

一江風

到春來 四時閨情

陳秋碧

宜春令

燕臺駿

爲陳雪華賦

史叔考

燈前恨

閨情

高深甫

章臺路

贈田姬

王伯良

寒侵夜

幽期

沈則平

香羅帶

東風一夜冽

閨怨

康對山

天寒澤國秋

賦送何昭華

梁少白

去年三月中

憶情

秦復菴

香遍滿

因他消瘦

恨別

陳秋碧

雲客月貌

寄王桂父

梁少白

別來時候

閨怨

顧道行

從他別後

閨情

王伯良

芳時輕度

傷逝

凌初成

針線箱

自別來杳無音信

閨思

舊詞

萬斛愁等閒堆埽

春閨

史叔考

懶畫眉

玉人家傍碧湖頭

訪桃花美人

張少谷

寶花欄十二玉亭亭

幽期

沈青門

落日遙岑淡烟孤

題情

沈伯英

小名兒牽掛在心頭

題情

沈青門

繡帶兒

離情慘何曾慣者

怨離辭

龍子猶

大勝樂

劣冤家難遣心窩

怨夢

龍子猶



梁州序

粧慵玉鏡

春懷

王伯良

梁州新郎

西園暮景

夏日閨怨

陳秋碧

朱明佳景

閨怨

沈青門

飛瓊伴侶

詠遇

唐六如

瓊樓人靜

春閨

張伯起

擔囊京國

惜別

凌初成

金風蕭瑟

秋閨寄遠

陳蘂卿

繡帶引

驀忽地雙眉頓鎖

題情

沈伯英

風流性歎山笑海

代贈彥升薛郎

龍子猶

宜春樂

牛郎遠隔絳河

歡會

王伯良

羅江怨

一更夜氣清

閨怨

舊詞

懨懨病漸濃

閨怨

舊詞

空亭月影斜

閨情

楊夫人

九疑山

江東日暮雲

代馬瑤姬寄情

梁少白

十樣錦

幽窗下沉吟半晌

惜別

舊詞

燈兒下低頭自付

懷舊

張靈墟

秦樓上月明如水

聞情

梅禹金

河橋路征帆初掛

惜別

高深甫

吳騷合編卷二目次終

白雪齋選訂樂府吳騷合編卷之二

虎林

騷隱居士 選輯

半嶺道人 刪訂

中呂

○題恨 未刻

張伯起

泣顏回 用家麻韻

解語一枝花。被霜凌雪。妬芳華。香消玉減。零落了。鬢  
髻堆鴉。雙蛾恨鎖。遠山橫。冷淡無人畫。霎時平地  
風波。兩邊廂。對面天涯。

前腔 換頭

堪憐紙帳冷、梅花相思夜、夜空到窗紗。夢中親見、訴  
不出許多情話。魂搖魄亂、那些兒、一刻千金價。陰  
障二六巫峯邊、聲噪十八胡笳。

長拍

仙呂

悶擁離鸞、悶擁離鸞、愁縈意馬。兩鴛鴦、驚散汀沙檻。  
猿籠鳥、更那堪、路遠途雜。血淚洒杜鵑花。雁聲孤漏、  
沈沈怎禁牽掛。一紙魚牋、難盡寫。轉教人萬縷春情、  
亂似麻。眼前難望斷、七香車。豈無絲向太湖石畔、帽

亥鳥紗。

短拍

同前

子晉風流子晉風流潘郎溫雅奈不在宋玉東家空  
懸望眼巴巴悄無言粧顰做啞待得債緣滿也看彩  
鸞飛雙駕赤城霞

餘文

強寬懷抱終難罷鎮日無端自咬牙恨一似明妃馬  
上琵琶。

○閨怨 未刻

陳秋碧

泣顏回

用家麻韻

薄倖忒情。難不止尋常作耍。出門容易。而今海角天涯。  
歸期歲晚。轉頭來過了。春和夏去。時節霜老。芙蓉。  
却又蚤水。冷蒹葭。

前腔

換頭

奸猾心性。最難拿。瞞人利齒。伶牙。悠揚不定。猶如風。  
裏楊花。千思萬想。恁從來色膽天來大。恐習學竊玉。  
偷香。唐突了相府高衙。

撲燈蛾

恩情如捻沙。清苦似嚼蠟。知他在那廂。佯笑臉。虛擔  
着許多愁病也。不索尋消問息。到頭來。終有個還家。  
風流罪招。絲細數。從頭兒。一樁一件。自詳察。

### 前腔

風兒颼。颼亂刮。雪兒紛紛密洒。淒淒的鳳枕單。鴛帳  
冷。薄怯怯繡衾寒。壓也。佩佩的銀燭爆。花鳴鳴的城  
上吹。笳。鼙。的殘更。正煞呀呀的曉天啼。散樹頭鴉。

### 尾聲


文君再把香車駕。只恐琴心調弄差。反與相如做話。



吳騷令編



范天寺觀潮  
川鴻



靶。

此曲原與三弄梅花北詞相和成套而韻選中獨載南詞諒亦別有所本且易煩就簡而詞氣頗無段續之病因爲錄刻

嶺樵

○秋懷

翻元詞

未刻

沈伯英

泣顏回

用監咸韻

風露怯青衫。窗冷月斜燈暗。濁醪吞恨。黃菊帶愁同簪。天南地北。悔佳期。却被虛名賺。哭哀。哀似泣。露寒蛩氣絲絲如做。墮春蠶。

駐馬聽

沈約羞慚都道年來腰瘦減。潘安驚慘自嘆如今兩鬢鬢。鬢鴛衾錯送玉清庵。鸞交空閃藍橋站。休笑休譚。我這吟肩慣壓相思一擔。

漁家燈

墨愁齋謂犯雨休休紅芍藥剔銀燈三曲名之曰雨紅燈

風流謔着緊包含。因緣簿忒煞熬。魑魅自從他暗與香囊別。時痛剪春衫更堪剖。破菱花鑑都斷了。雁帖魚緘。○愁愁秋光過三鎮。日把離愁自攬。

千秋歲

病難甘轉覺文章淡。更秋思撩人心坎。惟悴空擔憔悴。空擔無意把。兔毫龍香頻蘸。綠綺斷紅葉點。高唐賦空掇。賺舉目羞披覽。說甚讀書人。自來餓眼偏饒。

尾聲

須有日看花結果了。偷香膽且寧耐紅愁綠慘。管受用翠幄牙牀金鳳琰。

○春遊

已刻

高東嘉

泣顏回

用蕭豪韻

舊名好事近誤論詳後

東野翠煙消。喜遇芳天晴曉。惜花心性。春來起得偏。

蚤教人探取問東君肯與我春多少見了鬢笑語回  
言道昨夜海棠開了

前腔

換頭

今朝特地到西郊端的是萬紫千紅爭巧花情酒債  
一生被他縈擾雕鞍駿馬會王孫貴戚把金樽倒有  
時節沉醉花前把金丸墜落飛鳥

千秋歲

杏花梢間着梨花雪一點點梅豆青小流水橋邊流  
水橋邊只聽得賣花聲聲頻叫鞦韆外行人道粉墻

內佳人笑。笑道春光好。把花籃旋簇。食欄高挑。

前腔

俊多嬌。他只顧貪歡笑。却不道冷被人瞧。絲柳陰中。  
綠柳陰中。藏身暗折花枝來。到低聲問奴容貌。比花  
貌爭多少。又被才郎惱。道花枝勝似奴貌。妖嬈。

越恁好

又名走山畫眉

鬧花深處。鬧花深處。滴滴酒旆招。牡丹亭左側。尋  
女伴。鬪百草。翠巍巍柳條。翠巍巍柳條。見忒楞楞曉  
鶯兒。飛過樹梢。撲簌簌落紅舞。翩翻粉蝶兒。飛過畫。

橋。一。年。景。四。季。中。惟。有。春。光。好。向。花。前。暢。飲。月。下。歡。笑。

前腔

乍晴還乍雨。乍晴還乍雨。暖融融。景致饒見游人往來。貪歡笑。舞鮫綃。鬧咳。咳。笑高。鬧咳。咳。笑高。見骨碌碌。小車兒。乘着艷嬌嬌。滴滴眼兒。弓彎彎。小腳兒。一捻舞腰。十分俏。難畫描。蕩漾春心了。怎教人對景辜負年少。

紅繡鞋

此曲與譜中三體俱不相合。不知所本。



聽一派鳳管鸞簫鸞簫見一簇翠圍珠遶珠遶捧玉  
鐘酒沉倒歌金縷舞纖腰任明月上花梢

前腔

花枝明月多嬌多嬌三般湊逞妖嬈妖嬈一樣妝最  
波俏花陰下開炒炒醒來時不覺夜深了

意不盡

從教酩酊眠芳草高把銀燭花下燒韶華易老休把  
春光虛度了

○春恨

翻元詞

未刻

沈伯英

石榴花

用東鐘韻

碧桃花外忽聽一聲鐘。醉魂驚散夢巫峯。那堪雨雨  
更風風。恨香消獸冷，花落鏡塵蒙。嘆雲寒西樓燕子，  
空舊桃源路，迷仙洞。單守着伴孤燈，矮屏風。悶彈哀  
怨泣絲桐。

駐馬聽

帶結頻鬆瘦骨誰禁愁緒冗。眉峯難縱鎖佳雙蛾。幽  
恨重重。瑤臺人遠，信勞鴻彩雲聲斷。簫閒鳳怨，綠羞  
紅。百般難把悶懷相送。

剔銀燈

看花去。誰與同探舊叢待月處。簾櫳誰某。日長又怕  
更偏永。都不見紅團綠擁。他似飄蓬全無定踪。教我  
愁對着落紅舞風。

漁家燈

註前

從別後。帳冷芙蓉許多時。曲罷梧桐餘寒在。簾控金  
鈎。誰寄錦箋鸞封。袖中怕濕瓊珠。迸恨王孫芳草花  
驄。○對青銅空階笑客全不止。崔微畫中。

尾聲

剌雨收殘雲。迥朝暮相思萬種。十二峯頭總是空。

○感舊

王伯良

漁家傲

用真文韻

我只道再到天台訪玉真。溪邊路尚有桃花。還存舊人。昨夜忽傳青鸞信。開緘不忍。空孤負前度劉郎。這些時心慘片雲。又誰知粉謝香消已七八春。

剔銀燈

好姻緣幾年。厮渾惡相思半生。作狠恨孤辰。伴着紅鸞運。說嫁字是伊先肯。啼痕紅衫半湮。盼不到荆釵。

布裙。

攤破地錦花

秀才們終則是拏不穩。欲吐又吞。匆匆的誤了侯門。  
從此青樓鏡別。釵分見無因。竟化做了杜鵑魂。

麻婆子

血書。血書題不了。猩猩一紙存。繡履。繡履香不散。纖  
纖三寸新。分明記得夢中身。真娘墓。草痛難認。有淚  
有淚。臨風隕。泉下不知聞。  
不用尾聲

散曲中向無石榴花。暨漁家傲長套。今得前曲。

固足補昔人之闕。且情文韻調無不到家。凡稱

作手。緊隱

○閨情 未刻

楊德芳

瓦盆兒 用尤侯韻

西陵渡口。西風吹不到。木蘭舟。憔悴殺。一雙眸。俺這  
裡淚珠和雨滴。江流。他那裏。背前盟。別上了青樓。敢  
只是那人兒。兩意投。因此上。戀新忘舊。每日家在費  
心。慢咨嗟。空傷懨。辜負却花月好春秋。

榴花泣

石榴花

碧紗窗下簪折鳳凰頭。恩山誓海總成愁。香殘粉冷幾時休。當年雲雨都向夢中求。  
泣顏回言不應口。這相思何事多顛覆。滿襟懷飯廢茶荒。這都是恨惹情兜。

喜漁燈

與雁魚錦第四曲不同

幾回耐着心兒守。歸期難候。消和息真箇藏。聞魚雁總沉浮。同心兩字俱差謬。再休題花老鶯愁。○休休相思盡勾。只恨我明珠暗投。

擲破地錦花

慢追求。扯碎了鴛鴦扣。苦不自繇。繇忽地上了心頭。  
夢斷高唐。魂冷莊周。恨悠悠。雲雨暗。玉簫樓。

麻婆子

怪你怪你多薄倖。金釵當酒籌。笑我笑我忒情重。香  
囊緊護收。你一般恩愛兩般丟。我黃花何日逢重九。  
寂寞耽憔悴。做織女盼牽牛。

尾聲

風風雨雨敲窗牖。珠淚難量。升斗只落得花自凋零。  
人自愁。



馬  
○題情

白雪齋藏本與時刻異

高深甫

瓦盆兒

用庚青韻

相思到底爲他害得不分明。金屋夢玉關情，只爲着  
別離兩字等閒輕。因此上鴛鴦陣擺，做了愁兵未知  
道自別來他心可至誠。他應恨魚沈雁靜，不道我仲  
宣愁相如渴。鴛鴦孤另，枉教我欹枕對殘燈。

榴花泣

石榴花

誰知一別蹤跡便飄零。怪煙雨隔江城，只見

天邊圓月幾回明。紗窗半掩，一派冷清清。

泣顏回

淒

涼淚領把不住幾陣渾身冷。飲弓蛇空自心驚。照石鏡見他無影。

喜漁燈

註前

音書欲寄情難罄。雲樹朦朧相思債欠下了前生。今日却怎生。怎生掃却心頭病。虛擔着雨刺雲凝。○風情全無半星。斷人腸寒蛩幾聲。

尾聲

絮叨叨真難聽。攪得我神魂不定。好一似吞却金鍼和線櫻。

○憶舊 未刻

卜大荒

瓦盆兒

用先天韻

落紅滿地。驚忽又蚤晚。春天愁黯黯。恨綿綿。惜一番  
蜂鬚蝶翅。趙邵年。最無奈。冷淒淒。夜月咽啼鵑。只辨  
取悶支頤。撥殘獸鼎。煙詫香塵。慘盈琴面。幾時得訴  
離棕。在枕邊。重留戀。煞強似剩枕伴。孤眠。

榴花泣

石榴花

閒將往事細推原。何心去整花鈿。鳳釵敲損

雀鬟偏。殘粧儘膩。瘦臉淚常懸。

泣顏回

愁腸萬轉。這

人兒漸已生。交變濕胭脂。淺暈桃腮。裙相縈石榴羅軟。

喜漁燈

註前

怎堪靜鎖深庭院。難自遣。鴛鴦拆翡翠。巢顛兩葉眉。  
可憐可憐。怕覩雙飛燕。還羞種並蒂嬌蓮。○燈前合  
歡帶。剪覓黃耳音書倩傳。

尾聲

風流子在那邊。欲待尋他夢裏言。又恐陽臺驛路遠。

○秋夜傷舊

未刻

梁少白

瓦盆兒

用蕭豪韻

虛堂坐雨。西風蕭瑟起。林臯聽落葉。小窗敲怎禁他。  
雲房獨掩。夜寥寥。空贏得淚痕濃。黯淡了。鮫綃誰憐。  
我破題兒。新秋第一宵。你何處絕無音耗。想那里郵  
亭稀。雁魚少。書難到。詠楚些。魂斷倩誰招。

榴花泣

石榴花。簾櫳深處常獨伴。那多嬌。今只剩影瀟瀟。只  
見粧臺塵鎖。翠鈿拋。羅衣帶結猶繫紫絲絛。  
記恩多。怨少。十年心難對。傍人道。漫追他舊日風儀。

泣顏回

祇憐伊病來容貌。

喜漁燈

註前

幾回欲覓巫山廟。飛夢杳陽臺下。空雨暮雲朝。雖  
則是遇伊。遇伊又被鷄驚覺。鴛衾冷。轉覺無聊。○烟  
消風花露草。好添香寒。灰怎燒。

尾聲

蓬山隔雲路。遙再休想同。吹月下簫腸斷。東風第五  
橋。

○秋日閨情

已刻

毛蓮石

好事近

用東鐘韻

墨憨齋定名顏子樂詳後

泣顏回

風月兩無功。枉把心機牢籠。巫山雲雨。一旦

杳然無踪。

柳子序

隨風奈向樓頭。譙鼓聽沉。响又打

三鼓。

晉天樂

寂寞恨更長。漏永便做了歡娛。夜短却

共誰同。

錦纏道

以下俱正宮

路難通。料隔着雲山萬重。空蹙損兩眉峯。暗銷魂。沒  
情沒緒。倦理殘絨。有愁來全仗酒。哄醒來時依舊還  
同。暮鼓又晨鐘。卻光在苒歸期尚未逢。怕染潘郎鬢。

被他依舊笑春風

普天樂

同上

減芳容。愁越重。罷却了。描鸞鳳。雕簷畔。鐵馬叮咒。紗窗外。絮語寒蛩。砧聲又。攻更。那堪雁聲嘹唳。長空。

古輪臺

中呂

恨無窮。西風蕭瑟。助秋容。別來望裏。關河變。寒衣誰送。寄與君家。料想是覓却芳容。誤我佳期。一場春夢。欲將心事問孤鴻。想當時。曾共翠被。生寒。覆香溫軟。到如今。蓬鬆兩鬢。釵橫髻亂。修眉懶畫。別後苦匆匆。



思前事。教人心下氣沖沖。

尾聲

聽敗葉敲窗。縫悶對殘燈。午夜風展轉無眠。珠淚湧。

○代寄呂姬小喬 已刻

梁少白

好事近

用車遮韻

泣顏回

書寄秣陵除。奈樓前雲水重疊。落花飛絮。那

堪暮春時節。

刷子序

淒切。夜雨曉風。臺榭空梁。燕誰

遣來傳說。

晉天樂

道佳期休虛度也。絮叨叨恰如窗

下分別。

榴花泣

石榴花

追思當日別館酒初設逢迎處繡簾揭匆匆

禮數甚周折

泣顏回

看趁承舉止羞怯腰圍一捻似

縈欄弱柳絲牽惹鬪纖軀掠水蜻蜓試輕衣逗風蝴蝶  
此曲犯體第五句較譜未合詳論於後

錦纏道

正宮

玳筵列滿華堂會當年俊傑初相見甚干涉料姻緣  
前生未定難道就和協怎知伊多情的姐姐含情處  
眼波雙借翠帶兩倫結佳期密邇相將不暫撇宴罷

催歸去。笑踰躑同上七香車。

千秋歲

那冤業。只道難消受。誰知道。蚤便寧貼公瑾當年公瑾當年。渾如綴着喬家枝葉。春衣褪。雲鬟卸。相偎處。身兒起。故把羅幃扯。怕花燈斜照。回過桃頰。

普天樂

正宮

向蒼穹把盟香熱。負心的天難赦。繡囊中雙貯烏雲。羅衫上對粘青血。從今記者。這恩情。忍教中道輕絕。

鮑老催

黃鍾

帝城鳳闕。青樓雖是多歡悅。銀蟾長恨空圓缺。奈山  
鬱盤水潏潏。雲明滅。腮懸玉筋啼應裂。胎含荳蔻春  
方洩。心摧餓馬秋爭掣。

### 古輪臺

記初別疎林處處下黃葉。那堪逆旅西風夜。孤村茅  
舍。泥枕塊衾。鐵酒醒處。依稀蘭麝。敗壁蟲吟。破幃燈  
射。夢魂中猶記語些些。道我音書頻寫。雁南來。蚤寄  
回帖。休常恁雨散雲收。冰消瓦解。水流花謝。莫遣坐  
銷歇。恩難捨。還期同宴錦堂月。

尾聲

遇良辰逢佳節。管領着歌臺舞榭。日日春風醉狹斜。

○寄趙袁卿

已刻

梁少白

好事近

用尤侯韻

泣顏回

人去莫登樓。況當風景三秋。蘓臺雲冷教人

目斷長洲。

刷子序

悠悠試看霜空征雁。分明寫一字

字離愁。

晉天樂

空悲怨。團圓未久。爲甚匆匆頓拆燕

侶鶯儔。

錦纏道

正宮

記緣錄爲當時情和意投。年少更風流。這姻親朝朝暮暮來往扁舟。意仙姬初難匹偶。誰知道便容消受。遂爾兩綢繆。巫陽縹緲雲深雨不收。靈鵲千羣駕似明河。織女會牽牛。

普天樂

同上

性纏綿。心迤逗。永歡娛。無倂憊。又誰知霹起風波。暮然間打散雙鷗。終難罷手。怎禁得霎時間絃剪筵篋。

古輪臺

恨難畱。半江斜日放歸舟。淒涼正值金風驟。梧飄時

步。騷。不。解。一。  
候。看。淚。洒。江。洲。空。濕。透。縷。金。衫。袖。料。想。別。來。黃。昏。清。  
晝。在。一。簾。落。葉。響。銀。鈎。渾。如。病。酒。應。爲。郎。望。斷。雙。眸。  
宮。眉。細。蹙。楚。腰。纖。削。相。思。依。舊。欲。說。又。還。休。無。限。關。  
情。事。一。時。和。雨。到。心。頭。

尾聲

丰。姿。媚。體。態。柔。喚。飛。燕。名。兒。非。謬。終。有。日。還。向。昭。陽。  
殿。裏。遊。

○ 閨情 已刻

沈青門

好事近 用昔來韻

泣顏回

堯底上心來。教人難想難猜。同心羅帶平白

地兩下分開。

刷子序

傷懷舊日香囊猶在。詩中意書

寫得來明白。

普天樂

數歸期。一年半載。算程途咫尺

音信全乖。

錦纏道

正宮

托香腮。懶梳粧。慵臨鏡臺。無語自裁。劃正芳年又不  
道。色減容衰。怎知他把前言盡改。咱須是暫時寧耐。  
歲月好難捱。孤辰寡宿時。該命又該不索長吁氣負。  
心人天自有安排。



普天樂

同前

畫闌前。湖山外。見月也。深深拜。月圓時。人未團圓望。  
蒼穹鑒察。憐哀郎心最反。把些個溫香軟玉。做了糞  
土塵埃。

古輪臺

恨多才。萍踪浪踪。寄天涯。繡幃錦帳。春猶在。自有許  
多恩愛。豈料如今。番做了破鏡分釵。剩兩殘雲等閒  
消盡。是誰別壘。楚陽臺。有傾城嬌態。把誓海盟山。做  
水消瓦解。忘食廢寢。魂勞夢斷。肌骨瘦如柴。厭厭害。

四時花月總沉埋。

尾聲

黃昏更是無聊賴。斜倚薰籠半側。羞見燈花一稔開。

○擬元帝餞明妃

未刻

卜大荒

好事近

用江陽韻

泣顏回

韶錦換宮粧。轉勝圖中描樣。新愁。夙枉生拆。

寶殿鴛鴦。

刷子序

拴裝兩下相看。悵快秦城外。倦柳

淒涼。

晉天樂

斜日映瀟川。渡廣怪琵琶。寫恨舉目沾

裳。



新錦標度莊莊  
國中搖林



錦纏道

正宮

韻堪傷。一閨兒。陽關緒長滿。酌捧霞觴。帶樽前堪憐。  
淚眼雙雙。欸呼韓情調。半晌心先赴。李陵臺。傷直恁。  
趙程。怱朝陽。雨露初心肯頓忘。舞謝纏頭。錦恐驚飈。  
吹散舊餘香。

普天樂

同上

夢魂遊青苔巷。缺鏡香風流。況揣今朝。出塞昭君甚。  
年似蘇武還鄉。邊材浪養。做別姬楚項。送女吳邦。

古輪臺

累娘行辭家背井。逗龍荒。怎堪臨去。回頭望。角聲悲壯。更旆影悠揚。白草平鋪沙壤。車輓饑糧。馬馱羶帳。欲追携手話河梁。蜂攢迅往。怕鑾輿返。到咸陽。遠堦籜墜。掖庭漏永。寒蛩泣露。冷暈惹紗窗。不思想。除非鐵冶鍛剛腸。

尾聲

美人軸掛屏山上。權作挑燈照粉龐。恐聽南來孤雁響。

按蔣氏舊譜載東野翠煙消一曲。題曰好事近。

實則泣顏回也。詞隱新譜亦云。詳查舊板戲曲  
皆以泣顏回爲好事近。固知好事近。特後人惡  
泣顏回之名而更之者耳。風月兩無功一體原  
犯普天樂。刷子序者。而時本單刻泣顏回。不註  
二犯調。亦猶新篁池閣之混刻爲梁州序。而不  
知犯賀新郎。糠和米之混刻爲孝順歌。而不知  
犯江兒水也。今墨憨齋定名顏子樂。頗稱允協。  
但未敢於譜外別增名目。故凡泣顏回本調。向  
來誤刻者。悉還原名。而人去莫登樓諸曲。則照

譜明註。而仍以好事近名之。蓋好事近原無別體。吾安知此體之非確然爲好事近也。嶺樵識

○九日雨花臺別陳文姝

未刻

梁少白

榴花泣

用尤侯韻

石榴花

長江東注。日斷荻花洲。同携手。下青樓。滿城

風雨總難留。

泣顏回

依依欲住無繇。原非浪遊。笑書

生何事。歸徧驟。冷淡了。馥馥香衾。遺落了。小小雲兜。

錦纏道

正官

美風流。似石城當年。莫愁。嫋娜更溫柔。翠紅鄉。天然



生下一種嬌羞爲憐才情偏耐久非容易便能成就  
看畫兩山秋相逢花底雙波溜不收驀地傳心處笑  
窺人佯整玉搔頭

節節高

南呂

江東第一流。逞歌喉。行雲片片停虛牖。鶯聲溜。扇影  
揚。梁塵逗。秋來更比黃花瘦。風流一段難消受。金屋  
曾聞貯娉婷。生身原是陳家後。

漁家燈

註前

今日裏別酒長亭。明日向匹馬荒丘。算只是幾夜恩

情。比。他。人。數。年。婚。媾。勸。伊。莫。便。多。倂。悠。願。歲。歲。共。逢。  
重九。○夷猶終難返。通丹陽道。寒雲正愁。

尾聲

長干在望。空回首。亂山高下。入常州。心似江波不定流。

○喜諧文娟 未刻

顧太初

榴花泣 用江陽韻

石榴花

瑤天夜晃。雀語噪花房。焚寶鴨。照金羊。紅羅

斗帳玉分張。

泣顏回

日羞看麝帶珠囊。銅蚪未央刺。

蒲桃串露紅絲漾。按新聲雁泣水絃繁。幽心燕宿瑤  
筐。

前腔

瓊姿難狀。寶月出瑤梁。裁星的。拭霞光。芙蓉解語玉  
生香。○畫雙蛾曲曲春楊。檀心半柱。轉欄杆。流盼秋  
波蕩。擁花鈿髻拂玄蟬。點朱翹額上鴉黃。

泣顏回

皓指玉修長。逞纖腰初試羅裳。裁紅點翠。不禁悉微  
步虛廊。鵲橋渺茫。怪銀河萬里波如掌。落花風飄盡

蒲東鎖楊烟罩滿高唐。

前腔

換頭

驚看梧影過銀牀。乍迴眸。鶯遇檀郎。山盟海誓。笑相迎。共解鳴璫。春心怎降。擲龍梭。簷角雙星上。搵香腮。並蒂桃花。啓朱唇。半吐丁香。

摧拍

大石

試闕臣。宋玉左牆。乍逢人。崔徽右廂。這幽情。怎忘拚。取比翼。瑤池比目。銀塘弄雨。推雲剪玉。栽香從今後。帶綰鴛鴦。調寶瑟。乞瓊漿。

前腔

揚素翹花飛上陽。拂青蘋塵凝建章。這密語難詳。空教蘭被生寒。蕙帶流霜。刻燭淒遲。援枕徬徨。從今後夢遠鸞鳳空。儼效迷藏。

尾聲

西陵油壁期同往。看松柏青驄相向。休教舊恨新愁。惱寸腸。

○紀恨

未刻

王伯良

榴花泣

用尤侯韻

石榴花

伯勞飛燕。一別兩悠悠。嗟覆水定難收。他生未卜此生休。  
泣顏回這籌兒怎按下心頭。何須逗遛也。空勞憶殺紅酥手。嘆經年揀盡寒枝。又誰知誤了  
侑州。

錦纏道

正官

記春游。信青驄向花叢。浪投把酒醉紅樓。忽無端胡麻流出溪頭。倩漁郎乍通媒。嬌謝仙姝便諧配偶。花  
色映燈篝。這其間正海棠時候。說甚麼新豐困馬。周  
贏得個小蠻如柳。拚此生常自老溫柔。

玉芙蓉

青眉月半鈎。粉頰花雙扣。愛靈心一點。偏稱清幽。醉  
歸金勒殷勤候。讀罷牙籤次第收。真消受。喜情投意  
投。準備着嫁雞歸路及清秋。

普天樂

我茂陵人原自有。你說讓他先甘居後。舒心的打疊  
衾裯。況撩人無限風流。輕彈細語。更纖纖裳縫素手。  
宜秋。

喜漁燈

註前

鎖春風。銅雀雙栖舊。好難自剖。嘆匆匆歲月如流。誰知  
蒯緱蒯緱。消不得。恨紅袖。霎時間。雨打春柔。○戈  
矛翻生道。周做得箇香燒斷頭。

節節高

南呂

難將破鏡收。恨無繇。高樓百尺。投身陡。黃昏後。銀燭  
愁。淒風逗。把玉簪敲折。鴛鴦。脰羅襟。扯斷芙蓉扣。哭  
盡紅衾。淚應枯。真箇是天。還知道。和天瘦。

大砑鼓

同上

或作迂

并州欠。滯留一回蝶。夢片晌。鷹鞬誰教蓮子栽成藕。



又誰教波浪打眠鷗。似露水姻緣。終難到頭。

撲燈蛾

傷心燕子樓。腸斷章臺柳。剩粉與殘脂。只留取淹人  
衫袖也。鎮懨懨病酒。爲伊長日鎖眉頭。悔當初錯將  
放手。成差謬。枉教織女怨牽牛。

尾聲

你多情難學臨邛走。我薄倖空耽桃葉愁。縱骨化形  
銷恨未休。

○得書

未刻

王伯良

榴花泣

用新定居蓮韻

石榴花

經年驛使望斷隴頭書。驀忽地寄雙魚。不知

書中消息是何如。

泣顏回

急開鈴印雙朱。匆匆看取

打頭來。便寫着相思句。那些兒幾字。蠅頭恰分明滿紙明珠。

喜漁燈

幾番讀到傷心處。淚零似雨。你爲我病損柔軀。說覓人寄書。寄書書去。魂亦去。紙梢上淚點沾濡。○何須千言萬語。殢人情。一行起居。

撲燈蛾

別時新月生。約定登樓處。兩下遞思量。問記否臨岐。  
私語也。清秋時序。數歸期已近。茱萸儘盼殺暮雲春。  
樹只教我對西風。黯慘自嗟吁。

尾聲

萍踪浪跡難憑據。因循辜負你個女相如。真是腸斷。  
蕭娘一紙書。

時本皆以榴花泣誤作石榴花。而不知石榴花  
自有本調。如譜中朔風凜凜。及前所選碧桃花。

外一體是也。今改正其榴花泣第三句。應以譜中忍將身命掩黃沙句爲法。今俱用三字作二句。第四句應以撥雲見日枯樹再開花句爲法。今用泣顏回第四句體。不知果何所本。至於首句點板。照譜似非起調。今從俗。本宮名作輩出。未能悉收。所憇然者。如折梅逢使諸曲。向來膾炙人口。奈用韻既雜。而所接漁家傲等闋。實欠體裁。削方爲圓。既有礙於古詞。而扭曲作直。猶不便於按拍。故不敢違心以逢世云。

嶺樵漫識

南呂

○題情

照江東白苧改刻

金白嶼

紅衲襖

用侵尋韻

鞦香肩鬆臂金削纖腰寬帶錦。這些時懶把生綃理。  
針絳羞將寶鴨添。水沉自別來還至今。幾曾時放下。  
心不能勾。一霎徘徊。兩意綢繆也。只落得長夜孤眠。  
伴繡衾。

五更轉

冷鳳幃。虛鴛枕。對金樽誰共斟。淒涼此際難消任。誰

料、寬、家、薄、情、特、恁、到、今、來、猶、記、得、花、前、飲、開、窗、寂、靜、  
空、顛、審、仿、佛、逢、君、梅、花、月、陰、

浣溪沙

他、負、心、真、忒、甚、枉、教、人、肺、腑、簽、針、金、錢、不、准、年、來、識、  
錦、瑟、空、閒、月、下、吟、身、凜、凜、不、絲、人、不、迷、魂、沒、合、煞、空、  
勞、我、吊、膽、提、心、

東甌令

心、中、印、口、中、噲、到、向、那、陽、臺、曉、夢、尋、清、宵、淚、滴、衫、兒、  
衫、桃、花、冷、胭、脂、沁、畫、欄、月、轉、粉、牆、陰、無、奈、漏、沉、沉、

大研鼓

或作迂

逢人覓信音。奈衡陽雁杳。湘浦魚沉。傷秋漫把閒愁  
禁。怎當他夕陽歸鳥。下疎林。撇却歡娛。翻成病侵。

節節高

秋來意更深。漫思尋音書。欲寫還慙。際空追審。不見  
臨。因此甚。兔毫血蘸尖兒。浸鸞箋。墨灑行兒。淋一絨  
離思逐雲飛。遍身香汗和衣滲。

金蓮子

倩塞禽多情。定見機中錦。料應是長吟。還短吟。爲甚

的惡姻緣。更重重。遠水又遙岑。

尾聲

莫來人世多譏譖。大都常是負初心。誰似我海樣相思。直到今。

按此曲爲白嶼得意之筆。但其本領原優於北調。脫畧南詞。楚學齊言。未免有礙。復閱少白江東白苧詞中。乃有改作。而詞意格調自然曲合。固知少白爲曲中聖也。暨隱原評

○寄楊姬幼真

有序未刻

張叔周



緬維戊子。縱步秦淮。偶度虹橋之楊氏。欣逢閭苑之玉娟。盈盈十五芳春。皦皦三千絕世。嬌來笑語。渾疑一騎塵飛。倦倚迷離。卻訝沈香亭畔。方幸繡幃之春暖。俄驚錦纜之秋風。寂寞扁舟。嘆文鴛之暫隻。淒涼寶瑟。傷彩鳳之常孤。斷弦何日續。鸞膠朔風茲厲。錦字一朝傳。雁足芳草向榮。重以血淚詩新。加之繡囊縑素。鍾情獨至。寓意良深。圖報愧乏。瓊瑤寄意。聊賡律呂。庶雙簪玉鳳。期髻綰平青絲。而六幅名花。詎帶寬於

團扇。

紅衲襖

用庚青韻

記初逢秋月盈。乍相看紅玉映。兩點涓涓。眼波淨。雙  
彎鵲鵲眉黛輕。展羅襦。飄麝水。啓朱唇。語燕鶯。那更  
額印芙蓉。臉暈桃花也。霧髻雲鬟。翠靨明。

五更轉

教我意馬馳。心猿競。他掩青團。祇笑迎。筵開玳瑁金  
樽罄。一曲清歌碧天雲。靜背畫欄。偷自把香肩並。心  
招目允。幽期訂。有分劉郎。已入天台佳境。

浣溪沙

龜甲重流蘇。整裊薰籠一縷煙。凝輕拈豈蔻嬌還倩。  
細吐丁香款。不驚幽夢醒。不覺得透酥胸。浥香汗。喘  
吁吁。麝低聲。

東甌令

迷香窟。殢花營。一片春心不恁撐。朝雲暮雨歡無竟。  
又重九。西風冷。蕭蕭落葉短長亭。執手暗叮嚀。

大迓鼓

扁舟度石城。花濃帝里莫負深盟。鴛鴦隊散憐孤影。

鸞鳳巢拆痛哀鳴。死別生離音泯路冥。

節節高

雙魚千里程。語叮嚀。生綃血淚斑斑。刺新詩。哽音律。  
清揮毫正。香囊萬縷。裁花勝。鍼鍼線線。堪人敬。寄語  
湘裙六幅。花腰圍未。必剛相稱。

金蓮子

賦別情。花箋天樣。應難罄。把純扇共。烏雲付卿。更看  
這鳳頭簪。一雙雙。綰髮誓今生。

尾聲

一絨書權折證抵多少同心兩兩結西陵怎做得薄  
伴王魁負桂英。

○紀遇

照墨愁齋政刻

高深甫

太師引

用真文韻

花飛陌上春將盡。妬東風殘香逐塵。溪山下水流花。  
恨林皋外雨卸春魂。令人一見情難忍。禁不住眉鈎  
目引分明是巫山彩雲。向人間出落賣弄精神。

鎖窗寒

斷人腸風雨紛紛恍惚相憐意自勤看他多情多趣。

宜喜宜嗔。形容玉軟。衣衫烟潤。全不是尋常丰韻。此  
心因他撩惹。不絲人便教。拋地銷魂。

三段子

黃鍾

風掀練裙。襯丹霞梨花吐雲。春生笑顰。濕胭脂櫻桃  
綴唇。腰肢如雪。飄輕俊身裁。艷月憐清潤。瀟灑飛烟。  
風流絕塵。

東甌令

身嬌怯性溫存。幾轉秋波。玉溜頻。春心寄托鴛鴦陣。  
蜂蝶牽愁悶。青樓朱箔見無門。此恨向誰論。

三換頭

前二句五韻美中四句蠟梅花後四句似犯梧葉兒譜亦未詳

姻緣妬人從來無准。○恩情未真，怎生便親自笑沒根牽引。似浪裏萍飄泊恨誰曾憐憫。○惜別愁成病，難忘見是恩卦。揲游魂何處是漁郎可問津。

解三酲

倚雕闌低頭自忖。怪畫梁頃刻平分雨。窗寂寞今宵恨從此後。惱晨昏雙魚未許能吞餌。尺素何繇得到君。忙偷搵止不住盈盈望眼。滴滴啼痕。

三學士

自分相逢無遠近。這其間事涉寒溫。如今天近人難。  
近畢竟是寒溫。沒半分野水平川。愁隱隱芳草路。怨  
埋輪。

節節高

青山隔暮雲。惜殘春。尋花問柳。空勞頓。今休問陌上  
情。桑間恨。相思一擔都承認。此情未必他相信。夢魂  
冷落楚陽臺。琵琶聲斷臨川郡。

尾聲

湘波月冷。簫聲隱。那裏問秦臺。楚郡過眼繁華總未



真。

○四時閨情

已刻

陳秋碧

一江風

用皆來韻

到春來常是懨懨害不出簾兒外。甚情懷雨驟風狂。  
綠暗紅稀。花事收拾快。蜂驚蝶又猜。蜂驚蝶又猜。青  
青半是苔。一點春何在。

前腔

夏初來長日無聊賴。溽暑偏禁害。小亭臺並蒂荷花。  
交頸鴛鴦。不管離人怪。調朱手倦檯。調朱手倦檯。描

鸞眼怕開。黑海相思債。

前腔

到秋來。好月凭闌待。見月深深拜。下瑤階。露濕芳鞋。  
涼沁羅衣。風又吹裙帶。孤燈爆絳臺。孤燈爆絳臺。寒  
衣想像裁。手慢并刀快。

前腔

到冬來。飛雪簾兒外。呵手勻眉黛。托香腮。白日淒涼。  
已。到黃昏一點燈兒在。一更強打捱。一更強打捱。三  
更怎罷劃。刻刻難支派。

按古調中本無疊句。今人增入。想以譜中羅帶  
風後段爲則。今從之。

○爲陳姬雪筆賦

照原稿刻

史叔考

宜春令

用尤侯韻

燕臺駿何處求。任春風長安浪遊。利名難就。黃金白  
璧人徒有。奈朱門客散平原。更寥落穆生醴酒。堪愁  
囊琴匣劍。薊門空走。

太師引

聽西秦金鼓喧。何驟更遶陽輪蹄亂。投雖不是蕭牆

禍起甚難禁。烽火城頭萬言羞。遊懸河口誰便肯。壘符輕授鴻鵠志。蹉跎荆縵滿皇州。更沒一箇曹丘。

瑣窗寒

怕浮生虛度。春秋打疊。淒涼上翠樓。見平康佳麗。瀟酒溫柔。未通姓字。先拋情。實容易。折章臺楊柳。嬌羞燈前欲語。更低頭。似仙姝乍謫瀛洲。

三段子

黃鍾

此調較諸中所載多未合

催花酒籌醉。葡萄銀旖旎。玉甌濃香錦兜。美前程鸞交鳳儔。長安風露。閒刁斗。景陽鐘鼓催更漏。月落燈殘。

鴛鴦並頭。

東甌令

雲和雨片時收。寶瑟搖水翡翠柔。紅漿粉汗微微透。  
似覺難禁受。起來紅日照梳頭。花夢隔羅浮。

三換頭

犯調註前

銀河女牛相思還又。○各在蜂浪蝶把奇花暗偷姻。  
緣差謬。這些時只得把並頭蓮暫時分首。○風債難  
消。受歡娛一筆勾。這段風流只落得鳳去臺空人自  
愁。

劉潑帽

滿前花鳥都僂僂。更何心別詠雕鳩。西風吹徹黃花瘦。訴無絲帶。累着眉兒皺。

大勝樂

俗以聖誤


這姻緣到底難酬。誓和盟空自有。敢只爲腰纏跨鶴人兒厚。因此上下揚州。你原道天長地久。相厮守。今做了又抱琵琶過別舟。此情細剖。畢竟是波中印月。水面浮鷗。

解三酲

仙呂 俗以醒誤



抱朴子  
夢陽詩話





怎能勾對籠雙袖。怎能勾煮雪吟謳。怎能勾挑燈共  
剪春園韭。怎能勾看舞伊州。怎能勾燈前再解文犀  
扣。怎能勾月下相看醉裏眸。開窮究。須不是區區割  
捨你。把人丟。

節節高

佳期風馬牛。謾追求。同心方勝空裁就。情何謬。思變  
訾。心非口。相思弄得人憔悴。只恐新人似舊人。別離  
依舊輕咳嗽。

三學士

江關夜冷層冰厚。教人難覓歸舟。恩情自分花和柳。  
別恨空牽春復秋。眼見參商來。那箇腸斷處。續無繇。

大研鼓

或作迂

此情似楚囚。傷情到處淚。冷貂裘。端端有日思張祐。  
何時。何時。謝江州。難道傳言。是胡謔。亂謬。

撲燈蛾

中呂

桃花又一過。人面還依舊。不肯做野鴛鴦。只說使君  
有婦也。把姻緣。拖逗那。其間誰與策良謀。華堂中無  
分左右。思前後。洞房雙枕話綢繆。

尾聲

花管錦陣空馳驟。好馬豈思外廐覆木難教潑地收。

○閨情

白雪齋改刻

高深甫

宜春令

川真文韻

燈前恨夢裏人似風帆搖搖此身銀河鵲渡相逢也  
得年年准似如今何處朱陳都忘却舊時秦晉沉淪  
多少恩情竟同朝槿

太師引

這些時何事繁方寸痛煞煞如煎似焚空消受閒中

愁病竟冷落。剩雨殘雲。腰圍日漸成寬褪。更那堪香  
殘紅暈。游魂卦占來。果真斷送人。是無情。白日黃昏  
暗河橋。春樹連根。極目天涯又日曛。看樓前飛絮。陌  
上征塵。風箏線斷。憑誰接引。探歸期。全無音問。離魂  
空教天外覓漁津。幾回飛渡層雲。

三段子

黃鍾

青樓笑顰多半。是新人意。親孤幃淚痕。管甚麼舊人  
怨嘆。想舊人空自添新恨。新人有日行孤運。新舊恩

情還須兩分

東甌令

閒金鴨冷瑤琴寂寞紗窗又一春梨花零亂東風狠  
蜂蝶空相趣鶯鶯燕燕總慙慙催老舊精神

三換頭

犯調註前

前生孽因姻緣無分今生欠君參商堪憫想到來生  
不忍怕似如今落得箇兩三番都成冤恨怨海知無  
盡恩山隔楚秦平地荆榛啞苦心頭味暗吞

劉潑帽

人前珠顆忙偷搵。百般兒強自溫存。春風望斷梅花信。兩三句。訖喇喇把牙兒齟。

大勝樂

俗以聖誤

怪年來合受災。迤好風光剛一瞬。五行都是逃魂陳。惟寡宿與孤辰。却教我眉尖翠壓蛾峯困。鏡裏霜飛綠鬢新。雕欄劃損。苦只苦燈銷蘭焰。犬吠柴門。

解三醒

仙呂俗以醒誤

想着他風流聰俊。更撩人別語諄諄。道同衾共穴心兒肯遲和疾。總休論。又道是雙飛願比三生翼。並蒂

應同連理根。成矛盾。總神前。呪咀冤屈無伸。

節節高

卽生薑牙

淒涼不忍聞。痛酸辛。窗前夜雨聲。偏緊霜柯。慣冷綉  
茵寒。威峻幾般都是愁。中信刺人腸肚。如鋌刃。佳期  
只索夢中尋。誰知夢裏何曾穩。

### 三學士

無計從君心。暗忖何繇覓漢口。雙鱗君家住處。知何  
處。妾便逢人難問人。渭北江南天隱隱。芳草路綠如  
芸。

大研鼓 或作迂

從前錯認真。因他留戀。便爾情親。那知事事空幫襯。  
到頭敗露。總虛文寂寞。陽臺蕭條楚岷。

撲燈蛾 中呂

啼紅減翠。顰怨粉輪香韻。楊柳殢柔腸。又見海棠風。  
謝也芳心自捫想。玉簫聲斷。彩雲湮冷。清清蒼苔月。  
印天涯近。幾層雲樹。隔河濱。

尾聲

聽傷人添笑。晒道辜負了花嬌。並嫩打動無明火。一



盆

此詞韻犯庚青而復多重押。意非瑞南先生得意之筆。今爲刪潤。較原稿似乎稍妥。但詞長韻窄。猶以重用一二字爲歉。且依樣葫蘆。意多束縛。恐難乎法眼耳。

嶺樵附識

○贈田姬

未刻

王伯良

宜春令

用齊微韻

章臺路。舊不迷信。東風翩翩馬蹄尋紅訪翠。晚來誤入花叢裏。是誰家深鎖娉婷。問何處新來佳麗。分明

似芙蓉一朶乍開秋水。

太師引

出繡帷。渾一似飛仙隊。悄雙鈎款款慢移。料艷色應嫌粉汗。怕纖腰不任風吹。低聲剛道。箇年十七。自一種天生姿媚。蛾眉楊從頭品題。少不得蘸霜毫取作花魁。

瑣窗寒

棒金螺眼色迷離的。的鶯聲轉欲飛。怎當場調笑只。歛羞眉。酒闌人靜。漏深香細。更催人移燈先睡。解衣。

日脂一縷，俏相偎，翻驚甚，蔻新摧。

東甌令

紅窗淺畫簾低，錦帳春濃曉色遲。嫩花枝可忍輕狼藉。消受幾娘深意，些些絮語墮金籠。只許枕函知。

浣溪沙

燕子樓。鴛鴦對。從來緣福難齊。你楊家隊裏稱嬌妹。我喬氏班中占小姨。成繁繫。但得箇在他鄉受恩深。頓忘却海角天涯。

解三酲

仙呂

俗以醒誤

便做道周南留滯儘教他渭北棲遲我從來自苦多情累又觸起舊根荑。漫說是傾城傾國人堪嬖敢誇箇爲雨爲雲賦是媒言非戲甘爲伊情死做蝴蝶雙飛。

### 尾聲

新詞寫向紅箋麗寄去垂楊小院西說不盡相思日九迴。

太霞新奏有劉潑帽三學士二曲而舊存錄本無之故不載。是作章法易長爲短有破板爲活。

之趣。且寫情繪景。每多俊語。伯良信詞壇赤幟。  
此詞如貂裘染。青陽候等套。向頗傳頌人口。卽  
余前刻中亦所並錄。是選旣嚴於韻。自不得徇  
情。以開濫觴之漸。倘有怪其遺珠者。當於舊本  
索之可也。嶺樵漫筆

○幽期 未刻

沈則平

宜春令 用齊微韻

寒侵夜。人去幃向東家尋踪問跡。他曲房深閉。俏從  
窗隙將他覷見。他背銀燭慢解羅襦。繞沉烟緊籠鴛

被低低叫。叫多情待等。是莫先睡。

前腔

他聲驚驟。意自疑急。抽身輕輕問誰半。將門啟。側身  
推過。剛行禮。問今夜人可知之。比別宵來何遲矣。奈  
此更闌漏短。再休得擔殢。

前腔

欽橫墜枕。亂欹乍同衾。將身徂回。只推不就要郎下。  
氣先輸已下工夫。絮語柔情儘仗。倆蜂痴蝶醉。這搭  
山般海樣。敢忘恩義。

前腔

鷄三唱鳥漸飛。夢方濃。虧他喚起。莫貪歡會。明朝惹事。閒合氣。枕兒邊顛倒衣裳。粉花香尚餘溫。袂且喜回來。尚蚤曉星還未。

天然丰度。絕無脂粉之氣。此調可與青門先生寶花欄一曲並傳。如此等詞。散曲中。信不易得。至於韻調和叶。尤其剩枝。嶺樵隨筆

○閨怨已刻

康對山

香羅帶用車遮韻

東風一夜冽。雲收雨歇。傷心怕見窗外月。嘆姮娥獨  
守廣寒闕。也爲我多愁處。照離別。更長漏。永燈半滅。  
令便做。挫折金針也。解不得我愁腸千萬結。

前腔

愁腸千萬結。實難打疊。新愁舊恨都莫說。怎捱過今  
夜這時節。也只見雕牀靜。綉幃揭。無言怕聽那窗外  
鐵。合前

醉扶歸

仙呂

鶯儔燕侶。恩情絕。鸞交鳳友。頓拋撇。本是韓朋塚上



兩鴛鴦。番做了莊周夢裏雙蝴蝶。合曾和他綉帶結同心。反教我翠袖沾紅血。

前腔

雲鬟散亂金釵折。腰肢瘦損絳裙褶。誰想燈花不准鵲聲空。再來不把金錢跌。合前

香柳娘

嘆陽關唱徹。嘆陽關唱徹。井梧飄葉。把佳期望到梨。花墜雪。這深盟永訣。這深盟永訣。秦期晉約。都成吳越。合要相思。要相思。要相思。要相思。要貼。要貼。直待黃河水竭。泰山

崩裂。

前腔

奈衡陽信絕。奈衡陽信絕。綢繆喜悅。如今博得個憂。  
愁慘切。想音調韻叶。想音調韻叶。香偷玉竊。做了花。  
殘月缺。合前

尾聲

啼痕界破桃花頰。蛾眉蹙。損遠山月。縱使蠟燭成灰。  
心尚熱。

○何姬昭華訪余玉山西歸賦送 已刻 梁少白

香羅帶

用尤侯韻

天寒澤國秋。斜陽渡頭佳。期千里、一夕休。只見潮平、  
月落水西流也。載箇人兒去。竟難留。傷心滿目不盡、  
愁。誰料別院三杯酒。斷送清溪一葉舟。

醉扶歸

仙呂

好時光。故把情拖逗。惡姻緣何事苦追求。新相知都、  
爲強支吾。舊時交反把人掣肘。金盆覆水總難收。梨、  
花冒雨甘消受。

香柳娘

漫懷人倚樓。漫懷人倚樓。不堪回首。一林黃葉清霜。  
皺對孤燈細籌對孤燈細籌。今夜到湖州。蛾眉暫開。  
否想心情不自繇。想心情不自繇。簾櫳下鈎。黃昏清  
晝。

尾聲

秋來更比黃花瘦。勸卿卿不須傷憊。有一日遇箇人。  
兒定好述。

○憶情

未刻

秦復菴

香羅帶

用東鍾韻

吳騷合編

南呂卷二

四十九

去年三月中、花香酒濃、合歡喜、貪春夜永、今年三月、  
嘆飄蓬也、各自隨風轉、任西東、香消麝蘭翠、被空寂、  
寞黃昏也、萬種離愁、兩地同。

醉扶歸

仙呂

語呢喃、紫燕驚塵夢、舞翩翩、蝴蝶撲香風、  
底怨啼鵲、怕更深、枕上傷孤鳳、勝佳期、枉費念頭多、  
惜殘春、陡覺相思重。

香柳娘

任花如錦、叢任花如錦、叢尋芳誰共、  
凭欄有恨、無人

懂牡丹亭迤東牡丹亭迤東見朶並頭紅俄然轉心  
痛恨無端化工恨無端化工不把離人生成一種

江兒水

仙呂入雙調

漫道心如繡爭看氣吐虹奇才撼得天關動也難跳  
出脂膾銜急流會把人攆送無限愁來簇擁薄命柔  
軀赤緊處繇他剔弄

園林好

同上

有條路陽臺可通似阻隔巫山萬重信那個傷人讒  
訟誰爲你繫青驄徒使我怨蒼穹

吳騷令編

玉交枝

同上

愁眉頻縱意中人如何放鬆心頭沒箇相思空怎禁  
得碎搗零春聽殘晚鐘聽曉鐘起來日上簾鉤控把  
往事閒提幾宗都記在煙花簿總

玉抱肚

同上

俗以胞誤

梅花三弄落紅香燕泥煖溶見狂蜂也解隨人是游  
絲畢竟棒風春光有限恨無窮難把衷腸訴便鴻

猶兒墜玉枝

收商調

猶兒墜

惱人懷抱無奈理絲桐錯亂宮商調不同

玉

〔交枝〕高山流水再難逢。思量往事如春夢。等你呵。怕。  
祇祠火烘待你呵。恨藍橋水湧。

尾聲

武陵春。桃源洞。何時鳴珮下瑤宮。空教我雲想衣裳。  
花想容。

此詞向爲予所稱賞。惜久爲淹沒。每讀對山少。  
白兩作。輒有遺珠之嘆。今偶爾簡出。不勝心喜。  
想豐城之劍。要亦不肯自甘沉埋也。附識。  
嶺樵

○恨別  
已刻

陳秋碧



香遍滿

用尤侯韻

因他消瘦春來見花真箇羞羞問花時還問柳柳條  
嬌且柔絲絲不綰愁幾回暗點頭似喚我眉兒皺

懶畫眉

無情歲月去如流有限姻緣不到頭慊慊鬼病幾時  
休綉戶輕寒透十二珠簾不上鉤

梧桐樹犯

商調

梧桐樹

黃鶯似喚儔紫燕如呼友浪蝶狂蜂對對還

尋偶無端故把人僝僽一片身心如何教我得自繇

五更轉

梨花細雨黃昏後。靜掩重門。只與燈兒厮守。

浣溪沙

以下南呂

我容貌嬌。他年紀幼。那其間兩意相投。琴心宛轉頻挑逗。詩謎包籠幾和酬。他去久有些箇風聲兒未真。實見人須問箇因繇。

劉潑帽

浪遊那里青驄驟。向吳姬賣酒壚頭。烏絲醉寫偎紅袖。厮逗留。半霎兒渾忘舊。

秋夜月

吳騷合編

南呂卷二

五十二

恩變做讐。頓忘了神前咒。耳畔盟言皆虛謬。將他作念。他知否。他待要罷手。我何曾下口。

### 東甌令

難消悶。怎忘憂。抱得秦箏上翠樓。絃聲曲意皆非舊。淚濕了春衫袖。青山疊疊水悠悠。何處問歸舟。

### 金蓮子

表記留香羅半幅。詩一首。做一箇香囊兒緊收。怕見那綉鴛鴦。一雙雙交頸睡沙頭。

### 尾聲

等待他來時候。薰香重整舊衾裯。把往事從前一筆勾。

○寄王桂父

有序 已刻

梁少白

無翼而飛者聲也。不根而固者情也。聲繇虛發。故隨地而馳。情自實生。每從恩而使。非今獨爾。自古爲然。余性喜纏綿。意偏感慨。一承他人之微盼。卽爲我輩之所鍾。而況以楚館之神姬。值秦臺之逸史。心堅匪石。契同若蘭。陟馬鞍而宵誓。同效弟子之和南。駕鷁首而晨游。獨憐夷吾。

之敗北。感投囊之盈袖。悵寄翰之連箱。能無報  
惠之章。遂著閒情之賦。

香遍滿

用蕭豪韻

雲容月貌尋常淡粧難畫描。出落丰神年尚小。一團  
都是俏。還憐情性調。總然萬種嬌。不易得千金笑。

懶畫眉

蘭房聲價一何高。才調當年似薛濤。因此上元郎不  
憚路途遙。爭奈他枇杷花下音書杳。怎能勾直至成  
都萬里橋。

金絡索

〔金梧桐〕

匆匆歲月消。寂寂音容悄。曾記蘭舟避跡潛

移棹。春山暗裏游。

〔東甌令〕

怕相拋。執手偎依。厮纏着。

偷忙背語回身蚤。

〔針線箱〕

側坐防人。驀地瞧。

〔解三酲〕

誰知覺。

〔懶畫眉〕

至今猶認夢中遭。

〔寄生子〕

今日呵又

不是水遠山遙。爲甚麼無消耗。

浣溪沙

你情自投。我思難報。最堪憐。兩地蕭條。憑誰訴與娘。  
行道我不似青樓名倖薄。雖見許。恐無憑。話未真實。

只落得夢斷魂勞。

劉潑帽

畫樓頻倚想雙蛾。俏對簾櫳。淒楚無聊。瑤琴謾寫相思調。音韻喬彈出些孤鳳操。

秋夜月

初夏交記那日。人曾到蠅頭小字親相召。誰知病滯文園老。空回帖草草。枉歸程渺渺。

東甌令

難消受。印心苗。未必空。坐本爻。紅鸞幾日輪佳造。

必定有花星照。那時節。華燈燐燐影搖搖。偷卸翠雲翹。

金蓮子

鸞鳳交。恩情美滿同歡樂。這一段姻緣兒怎拋。恰正是遇雲英一雙雙。仙子渡藍橋。

尾聲

共引入蓬萊島。仙源此去路非遙。洞口雙吹碧玉簫。

○ 閨怨 未刻

顧道行

香遍滿 用尤侯韻



別來時候。孤鴻幾番書未修。恨疊秋雲無奈。陡離情。  
休未休。何時却斷頭。相思合兩眸。血染楓林瘦。

懶畫眉

蘆花吹白。上人頭鏡裏蕭疎。不耐秋敲窗落葉。冷颼。  
颼。人怯黃花瘦。把有限柔腸。帶無限愁。

梧桐樹犯

商調

梧桐樹。愁眺白苧秋。病怕黃昏後。月暗燈殘。冷落還。

生受。常時有約。何曾就。人隔重門。音書便有怎。暗投。

五更轉

鸞求雉。雉無心。奏帳冷香消。只索把被兒空。

樓。

浣溪沙

我心共口不自繇。怎生忘口裏心頭。心頭却怨參商  
驛口裏常耽歲月憂。空廝守我這裏愁他別來久不  
知他心有心丟。

劉潑帽

便教相見也難如舊。想甚麼情意常投。厖兒一半因  
他瘦。背地流淚濕青衫透。

秋夜月





生前欠修命兒裏孤星守。背後人前名兒醜。因他沾手難丟手。見三星一鉤。怨河分兩宿。

東甌令

琴絃絕。鏡塵浮。鸞鳳空留。欵並頭。同心帶。縮何曾久。離恨常相守。燈花鵲噪。總休休。歡喜夢中求。

金蓮子

還自羞。黃昏夜雨重。門叩。他別後。歲月如讐。恨殺那等閒間。把青霜容易白人頭。

尾聲

風流滋味都嘗透。那知我害不了的相思。還有除非  
是夢裏尋他續斷頭。

○閨情 未刻

王伯良

香遍滿

用尤侯韻

從他別後相思。那日不淚流。想在心頭提在口。想他  
沒斷頭。提他不自繇。人前怕着羞。瞞不得羅衫袖。

懶畫眉

婦人家情性忒嬌柔。他當日匆匆說遠游。枕函邊悔  
不苦相留。錯放却臨岐手。贏得恩愛無多。倒覓箇愁。

梧桐樹犯

商調

梧桐樹

他離情挽不留。我病眼看成疚。送阻紅閨折。

不上長亭柳。他蕭蕭馬去空回首。我黯黯燈殘獨倚。

樓。

五更轉

黃昏掩上紗窗繡。從此經年做箇空房自

守。

浣溪沙

他囑付頻留連。久繫人心賣箇溫柔。慢道受些憐惜。  
償些瘦。經得淒涼耐得愁。情緒陡。我爲他近新來。對  
粧臺。幾時得。好好梳頭。

劉潑帽

他說道天河見鵲歸、非、謬。誰知似籠鳩、一放難收到。  
如今荷花謝了、芙蓉又煞逗、迥只是我下、不得將他  
咒。

秋夜月

書信修寫罷、纖纖手、心事重重題難就、啼痕點點封。  
來、顰有新詩一首、并青絲一綹。

東甌令

親將寄幾時收、他兩字平安報未酬。多情恰喜多消。



受冷落殺清秋候爲郎憔悴替郎憂又寒色到衣篝

金蓮子

歲月道把金鞍盼斷君知否更莫問門前紫駟怪連  
宵眼睜睜和夢兒也不肯就牀頭

尾聲

說與他便相逢今非舊風流人去減風流只剩得常  
鎖眉梢翠一鉤

○傷逝

已刻

凌初成

香遍滿

用魚模韻

芳時輕度。流光自來如轉轆。把皓齒明眸。容易誤。可  
憎人已無。風流分已孤。英雄淚欲枯。這寬苦。憑誰訴。  
懶畫眉。

錦浪愁看戲。雙鳬忍聽垂楊語。晚鳥淒涼。更自恨。居  
諸天公獨解。將人妬。只揀心疼的。便下手毒。

梧桐樹犯 商調

梧桐樹。潘安果幾多。沈約腰如許。張敞何郎。一箇箇

揉碎了。姻緣簿。也是無端。撞入桃源路。一笑相逢。便  
自情意孚。五更轉 乘槎巧。向銀河渡。月夕花朝。真把

琴心願訴

浣溪沙

理舊絃。酬新曲。傲殺他卓女。當壚燈前看繡青鸞譜。  
席上同傾綠蟻壺。良宵度也。懷揣道秀才們何處福。  
到今日。生闖入。怨府愁窟。

劉潑帽

西風一夜嬌。花仆美。前程到此。囂虛夜臺前。猶試他。  
金蓮步。冥使符生。板障陽臺路。

秋夜月

空嘆吁。恁恩情成。畫虎。蕙帳鸞牀。都如故。博山沉水。  
閒無數。那裏是他去。所恁生爲咱計處。

### 東甌令

空有行雲賦。會真圖。擬得崔徽舊日模。灰臨侵儘着。  
霜毫禿。寫不出千愁簇。顛來倒去眼模糊。百忙裏响。  
銅壺。

### 金蓮子

有計無。問還丹道士在甚途。便能助玉人兒體。蘇也。  
贖不了。擁衾裯。獨蹉跎。腸斷一春餘。

尾聲

月明徙倚空庭步影隨身還疑伴侶怎禁得剗地回頭一個無

○閨思 已刻

古詞

針線箱

周真文韻

自別來杳無音信昨夜裏燈花未准五行中合受淒涼運真箇是惱人方寸有時節獨立在垂楊下可奈枝上流鶯和淚聞合愁悶損縷金衣上一點點都是啼痕此調時腔皆作解三醒唱殊爲可嘆

前腔

過一日勝似三春。看看的春光將盡。害着不疼不痛。  
懨懨病。漸覺道帶圍寬褪。正是落紅滿地。胭脂冷。早  
雨打梨花溪閉門。合前

解三醒

仙呂

待寫下滿懷愁悶。更說與外人不信。迴文錦詞徒織。  
就倩誰訴。與斷腸人幾番待撇。尋思別事。因爭奈一  
夜歡娛。百夜恩。合縈方寸。非因害酒。只爲傷春。

前腔

換頭

海棠嬌等閒憔悴損。又不見當時花下人。東風不管  
離人恨。苦吹散楚臺雲。如癡似醉。悠悠勞夢魂。  
恨不  
得飛上青山立化身。令前

### 尾聲

恨薄情無憑准。終朝思省淚珠湮。這樣傷心空自忍。

○春閨 白雪齋收刻

史叔考

針線箱 用歌戈韻

萬斛愁等閒堆。堆終日裏長眠短臥。看嬌鶯乳燕。啣  
花朵。悄不覺繡簾穿破。嫩紅香斷。送在雕欄外。九十

日春光似擲梭。愁城大悶。無聊空自怨。粉羞螺。

紅衫兒

換頭

爲甚的耽饑餓。爲甚的受撚簸。爲甚的淚眼滂沱。爲甚的蟬鬢婆娑。總差訛。做下了平地風波。將人來結果。雖只是紅顏命薄。忍教人沒下落。

太師引

換頭

相思闖破重門鎖。夢魂兒天涯任過你。雖做無情喬木。怕難辭有意絲蘿。若還肯將錯就錯。愁甚麼有舟無舵。敢只是那傷人調唆。又添個做媒的學了蕭何。



醉太平

仙呂 換頭

蹉跎花情柳思。做半牀春病。一枕沉疴。追思往事真  
個是夢裡南柯。騰那空憐孤另。似姮娥。除却你便當  
數我良宵。耽閣人間天上。都是愁窩。

三學士

數尺紅綃。雙足裹。驀忽地線斷絲磨。浮生已信霜前  
草。弱質誰憐。燭底蛾。十二時辰都折挫。只恨自敢嫌  
他。

大砑鼓

或作迂

佳期、無奈何、洛陽逢我、花謝偏多、騰騰、焰烈、祇神火、  
咫尺、藍橋、漲白波、有限、光陰、都歸、病魔、

尾聲

珠淚、彈衫兒、潑一點、傷心、無那、跳不出、情山、與愛河、

此曲于猶先生向有改作。頗稱致家。病中偶爾  
閱及。妄爲効顰。竟忘其工拙也。附識。嶺樵

○訪桃花美人 已刻

張少谷

懶畫眉 用尤侯韻

玉人家、傍碧湖、頭楊柳、青青一徑幽、壁桃花、裏露紅、

樓輕輕試把門兒扣。只見他正捲朱簾上玉鈎。

不是路

謾整搔頭乍見花前尚害羞。分離久三春轉眼又經秋。共登樓股勤細把相思剖。翻惹淒涼淚暗流。慙拖逗。你真情豈似章臺柳。教我怎生消受。怎生消受。

掉角兒

仙呂

轉春鶯重聽歌喉向朝雲再依紅袖。可憐人皎皎水肌更如蔥。纖纖素手且憑纖弄銀箏調寶瑟度新詞。翻舊譜共傾杯酒。櫻桃笑口秋波兩眸。繡牀前醉鬆。

羅帶慢。擁衾裯。

尾聲

風情却喜。渾如舊。趁枕上月明。時候。雨尤雲。樂未  
休。

○幽期 已刻

沈青門

懶畫眉

用庚青韻

寶花欄十二。玉亭亭。月轉層樓。香霧凝。嬌娥有約在  
初更。徘徊立。徧蒼苔。徑。暮夜柳影。風搖幾度驚。

不是路

悄悄冥冥。只見他轉過沉香六角亭。簾櫳映依稀環珮夜無聲。乍逢迎。對籠雙袖梨花冷。寶釧金寒玉腕冰。嬌癡性却。纔相迂還相倩。戰驚不定。戰驚不定。

掉角兒序

仙呂

香枕挨銀泥翠屏。煖衲鋪紫藤花。橈解酥胸卸脫珍珠吐。丁香臉。偎仙杏。怎禁他任狂蜂。隨浪蝶。倒青鸞。顚繡鳳。喘吁。脈應親。親氣命低。叫幾聲。悄一似東風未曉。月底間鶯。

尾聲

分明人在神仙境。一段巫山夢未醒。明夜還來花下等。

○題情 已刻

沈伯英

懶畫眉

用魚模韻

落日遙岑淡。烟孤蕭寺昏。鐘分外疎。陽關剛唱一聲初。早離人耳畔。添淒楚。生斷送黃公舊酒壚。

不是路

歌酒呼盧奈。酒債歌聲都被愁。思拘關情處。離離江樹。片帆速。漫躊躇。把沈魚落雁輕發付。倩魚雁何年

好寄書愁雲暮。眼看生隔藍橋路。好生難渡。好生難渡。

棹角兒序

仙呂

喚人歸。賓鴻亂呼。撮怨恨秋光無數。恰住着送客西風。又添起助愁白露。今夜裏明月洲黃蘆岸。翠薇山青村塢。何處棲宿。玉銷香斷。花殘月孤。這的是五行劫運。合受催促。

尾聲

安排好夢尋他去。只惟一夜清霜斷綠蕪。渺渺長途。

將我魂夢阻。

○題情 已刻照江東白苧詞

沈青門

懶畫眉

用尤侯韻

小名兒牽掛在心頭。總欲丟時，怎便丟。渾如吞却線，和釣不疼，不痛，常拖逗。只落得一縷相思，萬縷愁。

不是路

無了無休，鎮日縈牽不自繇。難窮究。只因幾度送雙眸。謾追求。假若他不應花前口，爲甚麼還將熱話兜。休相誘。有心待共鬆羅扣，不如蚤些成就，蚤些成就。



掉角兒序

任勾差隨時應酬。趣埋冤。總然承受不爭差。性命心  
肝好一似爹娘骨肉。又何曾氣兒呵。情兒扣。話兒嘲。  
麗兒訕。一些相關。隨衙聽候。朝來暮休。但得個尤雲  
殢雨。勝似封侯。

尾聲

憑將風月都投首。不信冤家不轉頭。終有日飛上紅  
香燕子樓。

○怨離詞

未刻

龍子猶

繡帶兒 用車遮韻

離情慘何曾慣者特受這個磨折終不然我做代缺  
的情郎你做過路的妻妾批煩早知這般冤債誰肯  
惹被人罵做後生無藉青樓裏少甚調風和弄月直  
恁蠢魂靈依依戀着傳舍

前腔 換頭

作業千般樣牽腸掛肚怎能設一筆銷筏似這般軟  
欺趨承再休提伶俐幫貼悲咽偶將飛燕閒問也你  
想不想舊時王謝心兒裏知伊冷熱只奈何得少年

郎清清捱着長夜。

### 太師引

他去時節一似無牽扯。只教人捶胸耳絕。自沒個隻字兒傷犯也。何曾敢眼角差別。野鴛鴦心性終飛越。說將起薄情難放。還嘆你自看做尋常。狹邪。把絕調的琵琶輕易埋滅。

### 前腔

幾番中熱難輕捨。又收拾心狂計劣。譬說道。昭君和番去。那漢官家也只索拋撇。姻緣離合都是天判寫。

天若肯容人移借。便唱箇諸天大喏。算天道無知。怎解這離別。

### 三學士

空計香偷和玉竊。少磨勒恁樣豪俠。設道書中自有千鍾粟。比着商人終是賒。此情若向粧臺說道。從別後。我消瘦些。

### 前腔

沒巴臂的相思無了歇。怎當得這半世鬱結。畢竟書中那有顏如玉。我空向窗前讀五車。此情若向粧臺

說同從別後。你可也消瘦些。不用尾聲。

○怨夢 未刻

龍子猶

大勝樂

用歌戈韻 俗以聖誤

劣。冤家難遣。心窩怪雙眉常自鎖。恩辜義寡。我也丟  
得過。直恁的費吟哦。料想是露凝荷葉空留戀。祇不  
過水上桃花知怎麼。合此恨終沒結果。則索高擎慧  
劍。斬斷情魔。

前腔

便比你做賽瓊花。獨一無多被攀折。須不可假如作。

在花前月下難忘我也只是空記念怎騰那明知是  
有團有散官進席反害了無夜無明久病痢令前

不是路

夢裏差訛化却鴛鴦做一窠知他是人間天上鬼婆  
婆笑呵呵霎時相問還相賀虧殺你跳出清洪萬丈  
波情如火一場歡喜天來大被鳥聲啼破鳥聲啼破

掉角兒序

仙呂

眼兒前恍惚婆婆舌兒尖淋漓香唾枕兒上愁擔還  
挑被兒中愛河重墮想他柳如芽花似朶影難拿風

難縛。關市張羅。令當初會少。如今夢多。惜殺人魂來。魄往。可奈他何。

前腔

誓今生決不念他。又誰知夢中捉我喜相逢。白日難求惡相思。夜間怎躲恨他去。無踪來無影。慣懣懣頻。跌蹉瞌睡哥哥。令前

尾聲

劣冤家。能作禍。常把芳魂撩。我畫箇真兒供養他。

春懷

朱刻

王伯良

梁州序

用庚青韻

粧慵玉鏡香消金鼎日午華堂人靜王孫芳草知他  
何處閒行設有楊花飛素桃萼飄紅已遍青苔徑無  
聊常殢酒病難勝鎮日懨懨倚翠屏雲鬢亂不堪整

前腔

換頭

恨江南舊事無憑盼天涯斷鴻難倩漸西樓月滿畫  
闌愁凭常恨歸期空訂嘶騎不來一似餅沉井綠窗  
銀燭暗又深更立盡梧桐影半明誰似我恁孤另

按南九宮譜梁州序以荆釵記家私迭等一曲



爲則此曲其正體也。諸如琵琶記新篁池閣一體皆犯賀新郎者。乃世誤以爲梁州序。而反以前調爲古梁州。又或名之曰梁州小序。謬矣。

○夏閨 已刻

陳秋碧

梁州新郎 用家麻韻

梁州序

西園暮景南軒初夏。長日端居多暇。樓頭楊

柳陰陰。漸可藏鴉。無奈關心杜宇。惹恨鷓鴣。占定茶

蘼架。芭蕉分綠也。上窗紗。閒看兒童。捉柳花。

賀新郎合

未箔捲金鈎掛。怪無端一夜東風。大花亂落。謾嗟呀。

前腔


瑤臺寂靜。畫欄幽雅。一樹薔薇低壓。鴛鴦兩兩飛來。  
暖。傍晴沙。爲甚金鍼閒却。綵線丟開。刺繡都停罷。舊  
巢新燕子。語窗紗。又見蛺蝶雙雙入菜花。合前


前腔

換頭

枕痕橫臉。玉生霞篆。烟微麝香消。鴨對銀箏無緒。雁  
行空駕。幾度閒尋舊譜。試學新聲。欲演還拋下。絲絲  
梅子雨。潤窗紗。無奈少女風前爛熳花。合前

前腔





翠香雨  
暖傍晴沙

對香奩朱粉慵搽臨寶鏡青螺羞畫病懨懨多半爲  
他瀟灑堪笑鸚鵡解語鸚鵡能言把薄倖提名罵開  
遲紅芍藥映窗紗爲甚送盡春風始見花

令前

節節高

蓮舟戲女娃笑聲譁蘭橈水濺凌波襪貪權耍兩髻  
人雙鬟亞青青荷葉無多大折來莫把絲牽掛

令翠

羽飛來綠葉叢玉盤欹側瓊珠下

前腔

乘陰倚水涯數歸鴉那看淚染顰顰音書假辜負

咱多嬌。蛇歸期。總是虛脾話。長房縮地。憐無法。合前

尾聲

芳時一任東風嫁。對良辰。懽情未洽。難道經秋不到家。

○閨怨 已刻

沈青門

梁州新郎 用尤侯韻

梁州序 朱明佳景。綠陰清晝。盡日飛花。鴛鴦夢驚芳。

草風簾搖拽。金鈎正是屏山人。悄沉水煙消。此際堪  
焦瘦。楚天人共遠。謾凝眸。倚遍西江十二樓。賀新郎合

春已盡。愁如舊。怕黃昏。寂寞難消受。懽會少。別離又。

前腔

斜陽芳草。淡烟疎柳。又是樓鴉啼後。悶來無語。凭欄錯認歸舟。空有藍橋心約。紅葉情詞。底事成虛謬。舊遊人在否。水空流。雲鎖當年望月樓。

合前

前腔

換頭

嘆巫峯雨歇。雲收恨。陽臺釵分鏡。剖記臨岐執手淚。盈衫袖。只恐關河迢遞。落日長堤。千里空回首。相思分兩地。恨悠悠。辜負今宵月滿樓。

合前

前腔

立斜暉、目斷荒丘。倚危樓、聽殘寒漏。浸紗厨、月冷斷魂時候。記得前春遊、賞月下花前。有箇人、携手揚州。孤夢破、倦追遊。更與何人上翠樓。合前

節節高

花間鶯燕儔。動離愁。孤鶯羞舞菱花。剖相思、久恨未休。人消瘦。羅衣寬褪。芙蓉卸。鮫綃不禁啼痕透。合但願延平劍再逢。珠還洛浦。圓如舊。

前腔



瑤臺月影收。露華浮。看江空、夜靜天啣斗。頻搔首。徹夜愁濃如酒。任香消、寶篆寒金獸。誰憐獨自個、空傷懣。  
令前

尾聲

分離不似今番驟。望斷煙波萬頃秋。愁滿天涯無盡頭。

○詠遇 片心樓改本

唐六如

梁州新郎 用皆來韻

梁州序  
飛瓊伴侶。神仙姿態。一種風流無賽。輕籠淡

掃娉婷。別樣安排。那更蘭心柔膩。蕙質溫存。性格偏堪愛。錦春浮簇處。好紅白。偏占屏前第一釵。賀新郎

前腔

霞籠杏臉。春生銀海。乍見靈心先解。匆匆幽恨低從曲裏傳來。暗把酒浮花。瓣香結。鮫綃勾却前生債。千金同一刻。暢奇哉。不用情傳。雙鳳釵。合前

前腔 棋頭

錦雲明。花滿樓臺。翠烟浮柳。擎飛蓋。喜青春遊冶。瀟

酒襟懷。正好偎紅倚翠。爲雨爲雲。牢結同心帶。香肩  
雙竝處。樂無涯。輕却當年十二釵。合前

前腔

自慚無華國雄才。怎消受傾城眉黛。喜瓊花玉樹竝  
蒂同栽。最好是芙蓉帳裏。明月窗前。底事無聊賴。嬌  
癡剛半醉。鬢雲歪。珊枕欹斜墮玉釵。合前

節節高

簫聲起。鳳臺彩雲開。銀蟾湧出瓊瑤界。香浮靄。花戶  
埋。三星在。雙雙携手深深拜。江枯石爛情無懈。合盟

言從此記心懷。莫教犯却神前戒。

前腔

佳期莫浪猜。命中該。鳳幃香煖春如海。心兒快絕世。才無瑕色。當壚重遇臨邛客。從今牢佔鶯花寨。合前

尾聲

這姻緣。應無賽。似趙璧隋珠合彩。願世世蟠桃會裏來。

○春閨 已刻

張伯起

梁州新郎 用先天韻

梁州序

瓊樓人靜。綺窗塵遠。簾幙春風輕軟。花開花落。相思易惹。難痊。正是晝長人困。鳳管簫然。此際情無限。啼鶯聲亂也。攪春眠。兩地牽愁。各一天。賀新郎

前腔

荼蘼香軟。海棠枝懶。雨重紅芳消減。羅帷岑寂。玉爐飛斷。沉烟。謾把絲桐閒整。別雁離鴻。總是傷春怨。闌干凭欲遍。夜如年。露滴香埃。月滿天。合前

前腔

換頭

掛斜暉。柳帶蒼烟。舞雕簷。桃花紅艷。更瑤堦人悄。滿  
傳銀箭。落得西樓閒倚。望入雲林人共天涯。遠當年  
攜手處。草芊芊。番做愁雲怨雨天。合前

前腔

落晴霞影亂。文軒。瀉寒濤。冷侵眉龍。更江空風送一  
聲歸雁。只恐關河迢遞。信斷衡陽。離恨憑誰遣。銀缸  
燒盡也。不成眠。人去空遺離恨天。合前

節節高

垂楊月影圓。漏將殘。花稍露滴珍珠。濺重門。掩聽杜

身。馬。不。解。 7  
腸。啼。紅。怨。流。光。頻。向。愁。中。變。惜。春。不。禁。芳。心。亂。合  
勤。分。付。與。東。風。莫。教。凋。盡。桃。花。片。殷

前腔

榆。英。落。翠。鈿。舞。簷。前。空。堦。風。送。香。塵。淺。春。宵。半。蝶。夢。  
闌。鄉。心。轉。玉。人。此。夜。應。腸。斷。啼。痕。界。破。梨。花。面。合  
前

尾聲

倚。樓。空。把。歸。舟。盼。對。景。教。人。思。悄。然。何。日。重。逢。續。斷。  
絃。

○惜別 有序 已刻

凌初成

余身作秣陵之旅客。心作吳門之故人。正苦孤  
踪。忽來仙旆。兩情俱暢。一意爲歡。猛傳突起之  
猊。獐竟致頓歸之狼狽。徒使青衫濕淚。反看綠  
鬢蒙塵。不禁寂寥。謾形歌詠。

梁州新郎

用先天韻

梁州序

擔囊京國。閒吟空院。追憶芳塵。悽怨柔腸斷。

處從天降下。輜輶依舊。自腰欺弱柳。步蹴金蓮歌罷。

桃花扇相逢。先一笑。態嫣然。夜月輕彈念五絃。賀新

郎合

方歡會。諸心願。被罡風吹得朝雲變。消阻事陡。



然見。

前腔

祇祠烟烈。藍橋波濺。衣帶從今寬展。舉幃佇望。殘膏剩馥。依然鎮自把燈前絮語。枕畔盟言。夢裏空敷演。高山流水調。有誰憐。閒盡相如綠綺絃。  
合前

前腔

換頭

啓朱唇。頰。誦新編。露纖手。時鐫秦篆。這風流旖旎。總堪畱戀。還記得呼名低應。偎臉微酡。拍接喉輕轉。揮毫空落紙。似雲烟。誰譜新聲被管絃。  
合前

前腔

拚沈醉有酒如泉。恰欠申殘燈空顫。剩羅緯繡幕竹  
奴爲春。還念他長途炎日。旅客淒風。暗損如花面。千  
般無意緒。總堪捐。一任蛛羅錦瑟絃。  
令前

節節高

薰籠懶自然。靜無烟。和衣亂倒孤衾。冒涎空。燕枕遞  
遷。頭支遍。顛來側去。渾難便。挑燈索候催銀箭。  
令未  
審相逢。是何時。不覺腹中車輪轉。

前腔

吳騷令編

八

終宵思黯然想從前惜騰一會心驚戰聞聲嚙恍並  
肩歡相見元來是夢魂闌入蓬萊院虛無縹緲和卿  
面令前

尾聲

從來好事多更變最苦是蚊雷成陣打盤旋又奏箇  
不做美的迢迢未曙天

○秋閨寄遠

未刻

陳蓋卿

梁州新郎

用江陽韻

梁州序

金風蕭瑟銀河高朗最惹離人愁況雙星耿

耿相思兩地參商。喜今夕橋填烏鵲，駕擁紅雲，會合  
瑤天上。六街晴色也。動秋光。一夜征人盡望鄉。賀新  
郎奴命薄，郎心蕩。空教寂寞芙蓉帳。惟明月照流黃。

前腔

記得紅亭落照。滄江雙槳含淚和君相向。驪歌未罷。  
牽衣且問歸航。你道少須三月多。則經年聚首章臺。  
上秋來。鳬雁也下方塘。猶自音書滯一鄉。○關河遠。  
恩情曠。緣愁白髮三千丈。明鏡裏見秋霜。

前腔 換頭

霜繁欲寄衣裳。悄沒個人兒來往。正高梧下葉片  
片。焜黃空把芙蓉笑。靨楊柳纖腰減盡。風流樣。獨眠  
人愧也。合歡牀。怎得他一宿秋風憶故鄉。○門靜掩。  
燈微亮。夢魂恨殺雙砧響。呼侍女。夜添香。

前腔

石頭城樹色蒼茫。桃葉渡歌聲嘹亮。是繁華六代千  
里金湯。因此上花迷漁父草怨王孫。忘却文君恙。天  
涯一望也。斷人腸。你莫指雲山認故鄉。○憐別院歡  
情暢。穿針巧。笑危樓上誰念我。獨沾裳。

節節高

從歸薄倖郎。記年芳。開開匹鳥相依。到如今。巫山障。湘水茫。秦樓莽。秋風團扇。輕拋。漾。蹉跎歲月。歸期爽。莫教長袖倚欄杆。白蘋紅蓼。添惆悵。

前腔

江頭橘柚香。見飛航。倦遊都爲鱸魚上。翻怪你襟懷放。翰墨長交遊。廣放令踪跡。萍浮浪。臨邛久絕。瑤琴響。人傳郎在鳳凰山。白頭寄恨。多勞攘。

尾聲

計歸來黃花放好向花前共舉觴休隔銀河暗自傷

○題情 已刻

沈伯英

繡帶引 用歌戈韻

繡帶兒

驀忽地雙眉頓鎖眉層疊箇愁窩心苗內種

得恩深春絲裏惹得情多蹉跎

〔太師引〕

萍踪兩下難

定妥那根線恐他失蹉都歷過從前折磨非容易如今風不揚波

懶針線

懶畫眉

憶昔相逢兩情和浪友狂朋幾調唆怪雲濺

雨屢經過。針線箱任教他百樣相摧挫。只忍受痛腸  
無那。有時節背地頻留意。有時節人前佯誚訶。他和  
我許多科段。都只恐或被人駁。

### 醉宜春

醉太平知麼。閒身未老。爲傷離怨別。無奈卿何。珠流  
淚顆。填不滿。怨海情河。差訛誰言。水盡欲飛鵝。宜春  
令管成就鴛鴦。則箇好待枝成連理。那時結果。

### 鎖窗繡

鎖窗寒送得人。特地風魔。廢寢忘餐。只爲他。漏風聲。



吳騷合編

又恐打破沙鍋。雲帆霧縠。時或相左。願卿卿緊持心。  
舵。（繡衣郎）又何須論分離會合。又何須論分離會合。

大節高

大勝樂。經年遠隔斷銀河。到秋期還證果。填橋靈鵲。  
應相賀。（節節高）風流貨。錦繡窩。珠璣唾。春纖攜處寒。  
暄過。問郎何事音書情。悄語娘行莫相疑。傳書怕教  
人宣播。

東甌蓮

東甌令。千金笑。半含酤。妾不相疑。聊試哥。從今不放。

君移舵。儘占了鶯花座。饒他蜂蝶浪。照科。  
戲着翠紅鄉。兩鶉鶉。相守。在輕莎。  
〔金蓮子〕 敢

尾聲

把離情一筆都勾過。這歡會非同小可。要見情長。須  
是磨滅多。

○爲董遐周贈薛彥升  
有序 未刻 龍子猶

苕溪董遐周來遊吳下。偶於歌筵愛薛生。密與  
訂晤舟次。夜半而生冒雪赴約。情可知已。一別  
三載。遐周念之不釋。物色良久。忽相遇於武陵。

突而弁矣。丰姿不減。余目擊其握手唏噓之狀。  
因爲詞述之。

繡帶引 用皆來韻

繡帶兒

風流性歡。山笑海。堪憐俏的身材。當場喜殺

兒郎。深閨妬殺裙釵。緣該

太師引

歌殘舞罷。把餘歡

買。肯分地坐兒做一塊。情偷送密約暗諧。愁殺人孤  
舟。雪夜把更推。

懶針線

懶畫眉

繡被香籠蚤。安排似到還。非幾浪猜。更深雪

重悄寒崖

針線箱

多應他弱體愁。羶。羶。辜負了子猷。

思戴夢驚回。舟動聲微咳。合喚名兒做。薛夜來。相憐愛。把貂裘擁護。親手溫腮。

醉宜春

醉太平

舒懷。渾忘量窄。取醇醪痛飲。拚醉陽臺。春生。

繡帳似梅花雪裏香。開心哀。他衝寒來到。恁癡騃。

宜

春令

這恩德猶如天大縱。有分甘。割袖此情無賽。

瑣窗繡

瑣窗寒

自當時植下根芽。指望飭紅飛。雙鼠偕。忍教。

他隨行逐隊玉韞香埋縱使銅山盡銷儂情不改誓  
不學那棄魚無賴（繡永郎）又誰知妬花風忒反又誰  
知杜鵑聲更反

### 大節高

大勝樂

從別後信斷音垂等閒間便隔一二載錦營

花陣飄泊知何在

（節節高）

蜂蝶寨鶯燕窩鶯鶯派風

雲隨例青樓態虛脾爭似真心耐想雪夜孤舟是何  
人越教掛却相思債

### 浣潑帽

浣溪沙

他便做柳絮飛。我怎把浮萍待。設勞人踏破鐵鞋。向歌雲停處探丰采。多骨瘦損潘容在天一涯。

劉潑帽

他心中料也渾無奈。得再諧恰。便似從天賚。

東甌蓮

東甌令

吳宮信。共越潮來。驚地相逢真怪哉。依稀總。非風神在。舊日懽還再。百般心話兩人皆。金蓮子止不住未開言。一雙雙情眼淚盈顙。

尾聲

佛面前通誠拜。新懽舊好儘摩揣。那個虧心天降災。

○歡會 未刻

王伯良

宜春樂 用歌戈韻

〔宜春令〕

牛郎遠隔絳河。那愁他朝風暮波。鵲橋親駕。

霓旌羽旆從教過。又何妨韓女題紅。便認個潘郎擲。

果。〔大勝樂〕 這相逢非小。可權爲姊妹拜做哥哥。

太師垂繡帶

〔太師引〕

你是麗春園嬌滴滴花。一朶肯在東風輕隨。

著。逝波他若不是前緣註定。喜孜孜那肯自結絲羅。

看蘭房暗將春色鎖。說甚麼蝶眠蜂臥。〔繡帶兒〕 謾交。

付柔枝嫩柯。儘消受一時任教摧挫。

學士解醒

〔三學士〕的的朱唇櫻半顆。俏身材一捻輕羅。撩人帳底蓮三寸。撲鼻窗前髮一窩。〔解三醒〕閒丟抹更聰明。伶俐。殢得人多。

潑帽落東甌

〔劉潑帽〕篋中錦字堆成垛。百千行無奈情何。新詩幾首沾香唾。〔東甌令〕堪誇彩筆屬青蛾。士女隊有他麼。

尾聲



譜麗詞從酬和。燈前宛轉費吟哦。誰識新翻子夜歌。

○閨怨 已刻

古調

羅江怨

用庚青韻

卽羅帶風又名楚江情

香羅帶

一更夜氣清。瑤階露零殘。燈隱隱昏復明。強

將針指度閒情也。思量薄倖。全無志誠。今宵那搭花

徑行。

〔一江風〕

撇得人冷冷清清。門掩孤幃靜。紅鴛被

似水。紅鴛被似水。青鸞夢未成。又感起相思病。

前腔

用江陽韻

二更露正涼。金爐燼香。簷前鐵馬聲韻揚。悶推鴛枕

嗅梅香也。把銀缸點上。羅衾款張。知他在誰家繫馬。  
嘶綠楊。○多管是路柳墻花。引得他心飄蕩。月兒過  
粉墻。月兒過粉墻。風兒透紙窗。怎受得淒涼況。

前腔 用齊微韻

三更玉漏遲。殘燈影移。堦前促織相伴啼。蚤知他不  
是個致誠的也。姻緣匹配。如何便依。到如今只落得  
空怨悲。○他將那訴過盟言。只做個牙疼誓。芭蕉細  
雨催。芭蕉細雨催。梧桐清露垂。都做了相思淚。

前腔 用先天韻

四更睡思纏。騰騰困眠。分明夢裏來。近前我罵他薄。  
情相負。是何緣也。他臉兒又厚。口兒又甜。牀兒前跪。  
膝稱可憐。○怎下得將他惡語相埋怨。一輪明月圓。  
一輪明月圓。千金良夜天。欲共効于飛願。

前腔

用江陽韻

五更覺夜長。教奴怎當。終宵錦被閒。半牀方纔得睡。  
又驚慌也。梅香來報。那人在堂。春風款款入洞房。○  
怪他來。揭起羅幃。強把他攔擋。傷心淚兩行。傷心淚  
兩行。薄情紙半張。他認宿在平康巷。

按南宮譜云。舊譜謂末後三句是怨別離。但怨別離本調無可考。而此三句與一江風後段分毫不差。只以一江風唱之爲是。○曲中思量薄倖二句。梁少白以爲似阜羅袍非也。此二句卽琵琶記香羅帶內擔閣你度青春二句。但每句多一字耳。

○ 閨怨

白雪齋藏稿未刻

失名

羅江怨

用東鍾韻

又一體

香羅帶

懨懨病漸濃。誰來和哄。春思夏感秋。又冬把

茂實佛羅明  
車床





滿懷心事訴天公也。〔江風〕天不憐人。一任你遭磨  
弄。恩多也是空。情多也是空。都做了南柯夢。

前腔

伊西我在東。何時再逢。花箋漫寫封。又封。叮嚀囑付  
與鱗鴻也。誰料浮沉。不把我音書送。思量也是空。  
埋冤也是空。都做了巫山夢。

前腔

恩情逐晚風。心意懶慵。伊家做作無始終。盟山誓海  
耳邊風也。不記當初。多少恩情重。虧心也是空。癡

心也是空。都做了蝴蝶夢。

前腔

惺惺似、憐憫落伊殼中。無言暗把珠淚領。口心誰想  
不相同也。○一片真情若個能知重。得便宜也是空。  
落便宜也是空。都做了那鄆夢。

○閨情 已刻

楊夫人

羅江怨

用車遮韻

又一體

音羅帶

空亭月影斜。東方既白。金鷄驚散枕邊蝶。長  
亭十里唱陽關也。 江風 相思相見相見何年月。淚



流襟上血愁穿心上結。鴛鴦被冷雕鞍熱。

前腔

黃昏畫角歇。南樓雁疾遲遲更漏初長夜。愁聽積雪溜松棚也。○紙窗不定不定風如射。牆頭月又斜。牀頭燈又滅。紅爐火冷心頭熱。

前腔

關山望轉賒。征途倦歷愁人莫。與愁人說。遙瞻天闕望雙環也。○丹青難把難把裏腸寫。炎方風景別京華。音信絕。世情休問涼和熱。

前腔

青山隱隱。遮行人去急。羊腸鳥道。馬蹄怯。鱗鴻不至。  
空相憶也。○惜人正是。正是寒冬節。長空孤鳥滅。平  
蕪遠樹接。倚樓人冷闌干熱。

○代金陵馬瑤姬寄渤海君

已刻

梁少白

九疑山

用真文韻

香羅帶

江東日暮雲寒。鴉遠村關。河千里。勞夢魂。三

年不見。倍傷神也。

犯胡兵

黛眉都瘦損。往來空寄信。

總然要打聽。近行蹤。無人可問。

顧書眉

鳳城車騎日

紛紜只得勉強支持病裏身。奈蕭郎不是箇中人。解

扶歸。寵憐有線無針引。因此上杜陵來往沒寒溫。到

不如崔生日夜常親近。梧桐樹香囊刺繡新。畫扇描

蘭俊。自着春衫束得腰身緊。寄時萬縷縈方寸。瑣窗

寒一星星意真情懇。偶聞君和水館締深盟。這愁機

鷗鷺休親。天涯散相逢期孟春。上元佳節燈火黃昏。

尺書何事無憑準。解三醒今回首又過春分。長江且

是東風順。况一騎丹陽便到白門。還思忖。劉綰帽紅

顏定是多薄命。莫負恩看舊日緣和分。

尾聲

秋來又見歸鴻陣。倚樓南望正斜曛。拚却和淚緘書再寄君。

○惜別 已刻

元辭

十樣錦 用江陽韻

繡帶兒 幽窗下沉吟半晌。追思俏的嬌娘。娉婷態不弱似鶯鶯。妖嬈處可比雙雙。非獎 宜春令 寵堪誇他

性格兒溫柔難描畫。他身材停當說不盡風流可喜。萬般模樣 降黃龍 相當月下星前吐膽傾心。把誓盟

深講行。携坐兩願盡。老今生同。勸鸞凰。

醉太平

誰想。

葛然平地浪波揚。信知道禍從天降。霧迷雲障。被冤魔苦苦打散。鴛鴦浣溪沙情慘悽。心悵快。間不住淚。

珠汪汪。勞神役思。意舍皇。忘食廢寢。徒懸望。要見無絲百計。忒除非是夢兒裏求到伊行。啄木兒憐香惜。

玉相偎傍。尤雲殢雨。多歡暢。那禁敗葉敲窗。驚分天。

一方。鮑老催此情怎忘。羅衣尚存蘭麝香。銀牋枉寫。

離恨章。人何在。謾嘆息。空惆悵。惱得潘郎兩鬢似霜。

下小樓

咱這裏因他狂蕩。他因咱痛感傷。幾番拚却。

不思量。欲待將他丟放。怎做得鐵打心腸。（雙聲子）江

淹恨韓生忿。怎比得咱悲愴。（驚啼序）千般事纔離了

心上。又蚤來攢蹙眉傷。天憐恁狀。便教他相見何妨。

### 尾聲

情人蚤得同鴛帳。免使我心勞意攘。燕一炷盟香答

上蒼。

○懷舊 已刻 白雪齋改本

張靈墟

十樣錦 用真文韻

繡帶兒  
燈兒下低頭自忖。消磨了幾箇黃昏。夢回時

殘月孤蓬。花落後、細雨重門。堪憫。宜春令是前生犯

却勾陳怪。今生又逢羊刃。愁悶。怎計得一宵思愛。賺

了半生緣分。降黃龍難論。無底深恩。月下花前。目成

心允。幽期密訊。受盡了從前多少寒溫。醉太平慇懃。

錯將紅苴種愁根。惡根苗苦。繁方寸思量不盡。這千

般旖旎。半天丰韻。浣溪沙性兒醇情兒順。竟相應暗

裏溫存。可憐冤債是前因。河陽天遠難投遞。算何日

方酬斷續恩。絮叨叨說與他們。啄木兒相逢非是言

無准。匆匆自恨情難盡。又早雨打梨花欲斷魂。鬲老

催花香酒尊。人生飛駛逐電奔。韶光九十沒半人。  
不見謾嘆息。空勞頓夢遶巫山。一片雲。下小樓只落  
得那夢中秦晉。總牽愁秋與春。桃源有路歎埋輪。美  
殺蜂忙蝶。赶到省得瘦減精神。雙聲子水中魚沙中  
雁。怎討得愁中。鶯啼序心中事描寫在紙上。又相  
將化作啼痕。其間怎忍。自甘心寂寞。病臥愁呻。

尾聲

緣慳咫尺如天峻。相思一曲不堪聞。只恐啼徹哀猿  
也斷魂。



○ 閨情 已刻

梅禹金

十樣錦 用齊微韻

繡帶兒

秦樓上月明如水。難禁處鳳管頻吹。恨悲秋

宋玉偏多。到今朝共我同悲。追悔宜春令恨來時錦

帕燒除愁絕。處玉簪敲碎。徘徊不覺啼花怨。柳似痴

如醉。

降黃龍

羅幃燈火追隨。帶影成三。怎如他對魂

消心苦。似寸燭風前。到底成灰。醉太平蛾眉羞將胭

粉畫。歲華。怕綵雲收。琉璃還脆。似蜂攢花蕊。怎消得

千般狼藉。萬般憔悴。浣溪沙髻雲鬆。釵金墜。盼蕭蕭

徑路無媒。江南空有蚤春梅。隴頭驛使應難會。咫尺  
如同萬里遠。多因是有馬虺虺。咏木兒空教感損春  
山翠。繡幃錦帳。情難遂。恐容易香消土一坯。鮑老催  
淒涼訴誰。幽窗夜深啼子規。鴛鴦枕。倒牀亂搥。鴻難  
覓。雁不來。書多僞。心旌擺斷。又搖神旆。上小樓醒時  
易愁。愁時難寐。真箇柔腸九曲迴。相思路遠。又崔巍。  
莫說寄書的。難到便那人兒有。夢難歸。雙聲子恨裏  
茶愁邊酒。都化做心中淚。鴛鴦序心中淚。啼殘帕上  
一行行。又蚤成堆。

尾聲

飄殘雲雨收環珮。蝶祟蜂魔似見。寂寞求凰一二徽。

○惜別 已刻

高深甫

十樣錦 用家麻韻

繡帶兒

河橋路征帆初掛。瀟瀟水冷蒹葭。生怕尋夢

裏陽關。蚤輕分眼前巫峽。冤家 宜春令 明知是長短

隨緣畢竟的。紫牽難罷。這心頭怪風塵離別。夢魂驚

說 降黃龍 因他秋水烟霞掌上。輕盈淩波瀟灑娉婷

如畫。勾引得漁郎路失桃花。 醉太平 嗟呀蒼茫風露

去無涯。水中央。橈聲呶呶。怎生禁架。這雙眸望斷一

天愁壓。

浣溪沙

鴛枕邊燈篝下。兩綢繆意不爭差。等閒蜂蝶浪排衙。新詞醉寫冰絲帕。風月心傾綠髻娃。

儘郵亭唱入琵琶。

咏木兒

懽娛一刻千金價。金錢卜

動游魂卦。難道是水上萍踪鏡裏花。

鮑老催

而今淚

洒那堪人去愁轉加深林古樹棲暮鴉。山與水魚共

雁。伊和咱。端的是水遠山長魚雁遐。

下小樓

惹得此

沒頭牽掛。假疑真怎捉拿。三更夢不到天涯。教我鸞

孤鳳寡一擔兒總自撐達。

雙聲子

漏聲悽寒宵害先

已把供招押。

鶯啼序

從前事幾多思愛。創翻成無限。

波查還相訝。何日月重圓。枯木重華。

### 尾聲

姻緣須記臨岐話。莫把表別後相思當假。又只怕回首恩情似楊沙。

按十樣錦十二紅俱譜中所不載。但兩調向爲人所習見。且步驟亦自調貼。故爲破格之收。以備一體問其所本。則不可得而知也。附識。

南呂名作如林。閱之如入萬花谷中。令人目迷。

五色。然而姚黃魏紫。疎影暗香。自足玄賞。是選  
不能盡收。而惟以近乎感嘆傷惋之旨者。錄爲  
上乘。其餘剩香殘蕊。當留別墅。以待陽春。嶺樵

白雪齋選訂樂府吳騷合編卷之二

終